



ИШОНЧ

15

1994 йил
9—15
апрель
(157)

Ўзбекистон қасаба уюшмалари Федерациясининг газетаси



Мамлакатимизда иқтисодий ислохотнинг янги босқичи бошланди. У ҳар бир раҳбардан ишга масъулият билан ёндошишни, тез ўзгараётган замон талабига мос бўлишни тақозо этмоқда.

Раҳбарлик масъулияти

Ҳурматли Президентимиз Ислом Абдуганиевич Каримовнинг Бухоро вилояти фаоллари кенгашида ва Тошкентда ўтказилган вилоят, шаҳар ҳамда туман ҳокимлари билан учрашувда қилган маърузалари ҳўжалигимиз меҳнат аҳли эътиборида. Деҳқон ва чорвадорларимиз, фаолларимиз маъруза матнини чуқур ўқиб ўрганмоқдалар.

Менга айнқса, юртбошимизнинг раҳбар хусусида билдирган мулоҳазалари маъқул келди. Дарҳақиқат, у ҳўжалик ёки ташкилот бошлиғими, бирон ишлаб чиқариш участкаси саркорими — ким бўлишдан қатъий назар, зиммасига катта масъулият юкланади. Аввало, мустақил республикамизнинг мустаҳкамланиши, халқаро миқёсида обрў-эътибор топилиши учун имкон қадар ўз ҳиссасини қўшмоғи даркор. Жумладан, ҳўжалигимизда ўзи бирктилган тармоққа моҳирлик билан раҳбарлик қилаётган фаолларимиз кўп. Улар ҳар қандай об-ҳаво шароити, табиат инжиқликларига қарамай зиммаларига юклатилган вазифани шараф билан уддалаб келмоқдалар. Масалан, паррандачилик фермасининг мудури Абдуллажон Парпиев ўз участкасини фойда кониға, ҳўжалигимиз аъзолари учун бозор иқтисодиёти деб номланаётган бугунги шароитда гоят асқотадиган соҳаға айлантди. Қатор бригада бошлиқларимиз об-ҳаво жуда инжиқ келган йилда ҳам пахта тайёрлаш юзасидан белгиланган режани ортиғи билан удалашди. Ҳўжалигимиз миқёсида ҳам қувончли натижаға эришилди. Йиллик топшириқни ортиғи билан удалаб вилоятда олдинги ўринлардан бирини эгалладик.

Биз бундан буён ҳам зиммамиздаги топшириқларни ошириб бажарамиз, фуқарони ижтимоий ҳимоялаш йўлида зарур бўлган чораларни кўраверамиз.

Солижон СОБИРОВ,

Турақўрғон туманидаги “Олтин водий” жамоа ҳўжалиги раиси.

Интилганга толе ёр

Юртбошимиз ўлари қатнашган ҳар бир йиғилиш ва меҳнаткашлар вакиллари билан учрашувларда тадбиркорликни авж олдириш, аҳоли таъминотини яхшилаш, янги иш ўринларини яратиш зарурлигини таъкидлайдилар. Бухоро вилояти фаоллари кенгаши ва республика вилоятлари, шаҳарлари ҳамда туманлари вакиллари билан ўтказилган учрашувда ҳам бу масалани алоҳида тилға олиб ўтдилар. Биз юртбошимизнинг ушбу кўрсатмаларидан келиб чиқиб, ҳиссадорлик жамиятимиз қошида ишлаб чиқариш тармоқларини равақ топтиришға эътибор бермоқдамиз. Утган йилнинг сентябрь ойида ташкил этилган тикувчилик корхонамизда 70 га яқин йиғит-қиз меҳнат қилапти ва ойиға 72-75 миллион сўмлик турли хил кийимлар, рўзгор буюмлари тайёрланмоқда.

Бетон гишт ишлаб чиқариш, қишлоқ ҳўжалик маҳсулотларини қайта ишлаш цехларимиз фаолият кўрсатапти. Баҳор ойларидан курка жўжаси очадиган шаҳобча очдик. Булардан ташқари, чорвачилик ёрдамчи ҳўжалиги, тегирич, нонвойчилик тармоқларимиз ишлапти. Шу тариқа баъзи жойларда иш ўринлари қисқараётган бир пайта жамоамиз аъзолари сафини 240 кишиға етказдик. Интилганга толе ёр, деганларидек, қувончли самаралар бераётган ҳаракатимизни давом эттирамиз. Янги иш ўринлари яратиш билан бир қаторда аҳоли таъминотини яхшилаш йўлларини қидирамиз. Бу, Президентимиз кўрсатмаларига амалий жавобимиздир.

Обиджон ТОШБОВЕВ,

Чортоқ туманлараро ишлаб чиқариш савдо ҳиссадорлик жамияти раиси.

ХАБАРЛАР МАҒЗИ



• **ТОШКЕНТДА** Ўзбекистон Ёшлар Иттифоқининг XXVI курултойи бўлиб ўтди. Республикамиз Президенти Ислом Каримов Ёшлар Иттифоқи курултойи қатнашчиларига табрикнома йўллади. Ушбу табрикномани анжуманда Республика Президентининг Давлат маслаҳатчиси М. Умурзоқов ўқиб берди. Ўзбекистон Ёшлар Иттифоқи Марказий Қўмитасининг биринчи котиби А. Тешабоев ҳисобот маърузаси қилди.

Ёшлар Иттифоқи низоми ва дастуриға тузатишлар ҳамда қўшимчалар қабул қилинди. Делаетлар республика болалар-ўсмирлар иттифоқининг Ёшлар Иттифоқи тузилмасиға қўшилиши тўғрисидаги таклифни маъқулладилар. А. Тешабоев Ўзбекистон Ёшлар Иттифоқи Марказий Қўмитасининг биринчи котиби этиб сайланди.

Курултой ишида Ўзбекистон Республикаси Бош вазирининг ўринбосари М. Қорабоев, Қорақалпоғистон Республикаси Олий Кенгашининг раиси У. Аширбеков Ўзбекистон қасаба уюшмалари Федерацияси кенгашининг раиси Ҳ. Жамолов иштирок этдилар.

• **МАМЛАКАТИМИЗ** Президенти Ислом Каримовға Корея Республикасининг Ўзбекистон Республикасидаги фавкулда ва мухтор элчиси Се Гён И ва Жанубий Африка Республикасининг Ўзбекистон Республикасидаги фавкулда ва мухтор элчиси Корнелиус Франсуа Якобс ишонч ёрликларини топширдилар.

• **ЎЗБЕКИСТОН** Республикаси Президенти Ислом Каримов “Муштум” журнади ташкил этилганлигининг 70 йиллиги муносабати билан унинг жамоасини самийи табриклади.

• **ЖУРНАЛИСТИКА** ва матбуот соҳаларидаги кўп йиллик самарали хизматлари ҳамда жамоат турмушида фаол иштирок этаётганликлари учун республикамиз Президентининг Фармониға биноан “Муштум” журнадининг алоҳида ўрнак кўрсатган ходимларидан бир гуруҳи Ўзбекистон Республикасининг Фахрий унвонлари ва Фахрий ёрлиги билан мукофотландилар.

• **“ЕРКИН КАРАКАЛПАКИСТАН”** газетасининг ташкил этилганлиғиға 70 йил “Вести Каракалпакистана” газетасининг ташкил этилганлиғиға 75 йил тўлиши муносабати билан Қорақалпоғистон Республикаси Олий Кенгаши ва Вазирлар Кенгаши бу газеталарининг юбилейиға тайёргарлик кўриш ва ўтказиш юзасидан қарор қабул қилди. Байрам тантаналарини 27 июнь — Ўзбекистон Матбуот ва оммавий ахборот воситалари ходимлари кунида ўтказиш мўлжалланди.

• **РЕСПУБЛИКАМИЗДАГИ** бир қатор олий ўқув юртлари ва илмий муассасалар олимлари иштирокида “Ҳозирги замон жаҳон маърифати муаммолари нималардан иборат?” мавзунда конференция бўлиб ўтди.

Касб-ҳунарнинг катта-кичиги бўлмайди, дейдилар. Саидназир чорвадорлик касбини ташлаб хато қилмади. У ўз ишини сидқидилдан адо этади, ёшлик гайратини, юрағидаги ўтти бағишлайди, севган касбига.

Саидназир Саидумаров Тошкент вилоятининг Зангиота туманидаги “Баракат” совхозида ишлайди.

Сенға омад ёр бўлсин, Саидназир. Меҳнатинг, одамийлигинг билан элға танил, обрў топ!

Н. МУҲАММАДЖОНОВ олган сурат.

ВИЛОЯТДА БИРИНЧИ

Сурхондарёлик бободоҳқонлар чигит экишға киришдилар. Экишни вилоятда биринчи бўлиб Жарқўрғон тумани, Н. Боймуродов номидаги жамоа ҳўжалигининг Ҳозиддин Искандаров бошлиқ бригада аъзолари бошладилар. Улар мавжуд 60 гектар ерга пахтанинғ ўрта толали “Наманган-77” нави чигитини экиб, ҳосилдорликни 35 центнерға етказишға аҳд қилишган.

Механизаторлар Худойберди Абраев, Жўра Чориев, сеялкачилар Таштемир Сотиев, Мўмин Ёшқувватовлар тадбиркорлиғи туфайли ҳар кун 8 гектар ерга барака уруги қадалмоқда. Жамоа бошқаруви раиси Маматқул Доутов ҳамда қасаба уюшмаси қўмитаси раиси Абдугани Ҳимматовлар натижа гоят сифатли бўлаётганидан мамнун бўлишди.

У. НОРМАТОВ.

ТАҚДИР тақозоси билан яқинда Хатирчи туманидаги “Ўзбекистон” жамоа ҳўжалиги боғида Улуг Ватан уруши ва байналминал жангчиларининг учрашувидан иштирок этиб, боғбон Абдурахмон ота Усмонов билан суҳбатлашдим.

— Уруш-уруш-да,— дея гапини бошлади ота,— шу уруш сабабли вужудға келган асоратларни унуттиш қийин. 1943 йили қисмларимиз Польшани ишғол қилғач, 126-уюшган танк дивизиямиз Белорусь фронти Қўмондонлиги ихтиёрида бўлиб, ҳаводан ҳужум уюштирар, гоҳ пиёда аскарлар ортидан ҳужумға киришар эди. Кунларнинг бирида Кенсберг шаҳри учун чунонам жанг бўлди-ки... Қисмимиз қўмондонлиғиға шаҳарни тўрт тарафдан ўраб олиш вазифаси юклатилди. Шунинг билан бирға курол-аслаҳалар, ўқ дорилар жойлашган омборни аниқлаб келиш ва иложи бўлса, портлатиб юбориш керак эди. Бу вазифани ўз зиммамға олдим. Шу кун биз Кенсберг шаҳрини ишғол қилдик. Жанговор топшириқни муваффақиятли бажарганим учун “Кенсберг шаҳри учун” медали билан тақдирландим. “Берлин учун”, “Ватан учун” орден ва медалларим ҳам ўша йиллардаги жанговор хизматларим учун берилган...

Урушдан кейин Абдурахмон Усмонов Самарқанддаги боғдорчилик ва мева-сабзавотчилик институтиға сиртдан ўқишға кирди.

— Бир кун раисимиз Эргаш ота Лайлиев идораға чақириб қолдилар,— деб эслайди Абдурахмон ота.— Ўғлим, бир ният билан чақиртирган эдим. Мана, уруш тугатаниға ҳам анча бўлди. Энди халқимиз олдида яратиш, ободончилик юмушлари турибди. Жамоа

ҳўжалигимизнинг биносини ҳашар йўли билан қурдиғ-у аммо олди ўнқир-чўнқирликлар, ташландик ҳолда етибди. Шу ерларни боғ қилсак бўлмасмикан? Бўлади,— дедим унға жавобан.— Ишға тушиб кетдим: Тақир ерни обод қилдим. Самарқанддан шафтоли ва олма кўчатларини олиб келиб эқдим. Ашур Олимов, Дада Саидов, Мулла Исроиил бобо, Жўра бобо, Холмурод бобо каби боғбонлар мен билан бирға ишлашди.

БОҒ ЯРАТГАННИНГ УМРИ БОҚИЙ

1987 йилға келиб, ҳозирги раис Саъдин ака Расулов Абдурахмон отаға даштдан яна 22 гектар ер ажратиб берди. Шу йиллик жами 3,5 минг туп мевали, шундан 2000 туп олма кўчати ўтказдилар. Абдурахмон ота эккан мевали дарахт кўчатларининг бугун 80 фоиғи ҳосилға кирди.

— Парвариш яхши бўлса мевали ва манзарали дарахтлар яхши ривож топади,— дейди ота.— Фақат гап юракдан ишлашда. Мевали дарахтни бир кун қаровсиз қолдирингми, тамом, ундан мева кутиб юрма.

— Шогирдларингиз ҳам кўпми?
— Худоға шуқур, яратилган боғнинг бир қисмини шогирдим Мингешар Камоловға топширдим. Қолган қисми эса ўғлим Рашиджонға қарашли. Утган йили қарийиб 16 тонна олма ҳосили топширди.

Абдурахмон ота ва унинг шогирдлари яратган боғларда сайр қилиб, дилинғ яйрайди. Бу дунёда боғ яратиб, ўзидан яхши ном қолдирганнинг умри боқий, деб бежиз айтмайдилар-да, ахир.

Улугбек ЖУМАЕВ.

ДАВР БИЛАН ҲАМНАФАС

Бозор муносабатларига ўтиш тадбиркорликни, мулкни хусусийлаштиришни тақозо қилмоқда. Айниқса, Ўзбекистон Республикаси Президенти И. А. Каримовнинг "Иқтисодий ислохотларни янада чуқурлаштириш, хусусий мулк манфаатларини ҳимоя қилиш ва тадбиркорликни ривожлантириш тўғрисида"ги фармонидан ҳамда Республика Вазирлар Маҳкамаси йўналишидаги Президентимиз сўзлаган нутқидан кейин туман овуллариди кичик корхоналар ташкил этиш, фермер хўжаликларини тузиш, мулкни хусусийлаштиришга кенг йўл очиб берилди. Тадбиркорларга етарли шарт-шароитлар яратилди, сансалорлик, мансабпарастликка зарба берилаяпти.

Ҳозирги кунда деҳқончилик саноати мажмуидагина 200 дан зиёд фермерлар, кичик корхоналар, хусусийлаштирилган ферма жамоалари фаолият кўрсатаёпти. Яқинда яна бир хайрли ишга қўл урилиб, шартнома асосида ишлайдиган хизмат кўрсатувчи сервис тузилди. Унинг ходимлари аҳолида мавжуд чорва моллари ҳисобини олди. Фермерларга зарур озуқа, техника, эҳтиёт қисм, ўғит ва нефть маҳсулотлари, фермер оилаларини озиқ-овқат, кийим-кечак билан таъминлаш мажбуриятини ҳам сервис ўз зиммасига олган.

Овулларда иқтисодий ислохотга ўтишни тезлаштириш мақсадида тузилган кичик корхоналар, фермер хўжаликлари ва хусусийлаштирилган фермаларда 4 минг нафар кишилар яратувчилик ишлари билан банд. Ана шу соҳа меҳнаткашларини ижтимоий, иқтисодий ва ҳуқуқий жиҳатдан муҳофаза қилишни яхшилаш мақсадида жойларда 97 та касаба уюшмалари бошланғич ташкилотлари янгидан ташкил этилди. Хужжатларни расмийлаштириш, ташкилий-оммавий ишларни кўнгилдагидек бўлишини таъминлаш мақсадида ҳар бир ташкилотга тажрибали фаоллардан биркичи қўйилди.

Сотимбой АЙИТБОЕВ,
Элликқалъа тумани деҳқончилик саноати мажмуи ходимлари касаба уюшма кўмитаси раиси



Косонсойдаги шойи тўкиш фабрикаси республикамиздаги етакчи ишлаб чиқариш корхоналаридан ҳисобланади. Унинг довуруғи мамлакатимиздан ташқарида ҳам кенг ёйилганига анча бўлди. Бу ерда ишлаб чиқарилаётган атласлар ўзининг сержиллиги билан ажралиб туради. Фабриканинг ўзига қарашли бир қанча дўконлари, Хунар мактаби бор. Меҳнаткашларнинг дам олишлари учун корхона касаба уюшмаси кўмитаси бир қанча қулайликларни мавжуд қилиб қўйган. У ерда Маданият саройи ишлаб турибди. Суратда: пардозлаш цехида фидокорона меҳнат қилиб келаётган назоратчи Марҳаб Холимирова. Алимурод МАМАДАМИНОВ олган сурат.

УЮШМА АНЖУМАНЛАРИ

Вилоят касаба уюшмалари Кенгаши ташаббуси билан жойларда тузилган мувофиқлаштирувчи ҳудудий кенгашларнинг конференциялари бўлиб ўтди. Уларда туман касаба уюшмалари ҳаракатини бирлаштириш орқали ижтимоий-иқтисодий муаммоларни ҳал этиш, мулкни давлат тасарруфидан чиқариш, ишсизликни камайитириш каби долзарб муаммоларни тезкор ҳал этиш масалалари кўриб чиқилди. Мувофиқлаштирувчи кенгашлар айти шу муаммоларни бартараф этиш учун тузилган эди.

Ҳудудий кенгашларга ҳар бир тумандаги ташкилотларнинг касаба уюшма кўмиталари раислари аъзо бўлиб кирдилар. Энди улар олдиларида турган туман миқёсидаги муаммоларни ўзлари ҳал этишади. Ҳал бўлмаса, маҳаллий ҳокимият билан биргаликда ечишади. Бу эса ҳозирги иқтисодий тақчиллик шароитида ҳам деганда Фарғонага бекорга югур-югурни, яъни ортиқча сарф-ҳаражатнинг олдини олади, вақтни тежайди. Ушбу Кенгаш раислари маошни ҳам вилоят касаба уюшмалари маблағидан оладиган бўлишди.

Данғара, Ёзёвон, Тошлок, Бешариқ туманларидаги йиғинларда вилоят касаба уюшмалари кенгаши раиси Аҳат Мансуров, Қува Боғдод, Фарғона, Фурқат, Учкўприк туманларидаги анжуманларда эса кенгаш раиси муовини Маҳамат Мўминов қатнашдилар.

Туманлардаги ушбу кенгашлар туман ҳокимликлари билан вилоят касаба уюшмалари кенгаши эса вилоят ҳокимлиги билан 1994 йилда меҳнаткашларни ижтимоий-иқтисодий ҳимоялаш бўйича битимлар тузишди.

"Ишонч" мухбири.

УЮШҚОҚЛИК БИЛАН

Қорақалпоғистон республикасининг барча овул ва шаҳарларида ободонлаштириш, аҳоли санитария-гигиена маданиятини яхшилаш икки ойлги уюшқоқлик билан ўтказилди. Минглаб аҳоли яшаш пунктлари тозаланди, "яшил зона"лар вужудга келтирилди. Бу йил айниқса қурилиш-бозор теракзорлар яратиш учун муҳим қадам қўйилиб, бир неча миллион туп терак кўчатлари ўтказилди.

Бу тадбирларнинг оммавий равишда ўтказилишида 4 мингга яқин касаба уюшмалари фаол иштирок қилди.

"Ишонч" мухбири.

МЕҲНАТ МУҲОФАЗАСИНИ КЎЗЛАБ

Мустақиллик камол топаётган юртимиз кишилари яхшилик ва еругликнинг, эзгуликнинг тантанаси учун астойдил курашаётган бугунги кунларда инсон меҳнатини ҳимоя қилиш касаба уюшмаларининг долзарб вазифаларидан бири бўлиб қолди. Шу муносабат билан "Тошкентгеология" ишлаб чиқариш бирлашмаси комбинатида Ўзбекистон геология, геодезия ва хариталаш касаба уюшмаси марказий кўмитаси ташаббуси билан уюштирилган ўқув машғулотлари ҳам "Ишлаб чиқаришдаги жабрланишнинг олдини олишда касаба уюшмаларининг вазифалари"га бағишланди. Чунки мустақил ҳаётга, воқеликка янгича муносабатда бўлиш фақат меҳнат қилишдангина иборат эмас, балки унинг ривожига оқилона хисса қўшиш учун назарий ва амалий жиҳатдан мунтазам малака ошириб бориш, янгича фикрлаш, мулоҳаза юритишнинг аҳамияти каттадир. Ўқув машғулотларига "Ўзбекнефтегаз-геология", "Ўзбекгеофизика", "Ўзбекгидрогеология", "Тошкент-геология", "Қизилтепагеология" ишлаб чиқариш бирлашмалари ҳамда Вазирлар Маҳкамаси ҳузуридаги геодезия, хариталаш бошқармаси корхоналарининг муҳандис, геофизик, гидрогеолог, геолог ходимлари, жамоатчи назоратчилар, чилангар, пармаловчи, хайдовчиларга фаол қатнашди. Улар мутахассисларнинг "Ўзбекистон Республикасининг меҳнатни муҳофаза қилиш тўғрисида"ги қонуни, ишлаб чиқаришда меҳнат шароитларини яхшилаш, "Меҳнатни муҳофаза қилишдаги вазифа ва ҳуқуқлар, ходимлар соғлиғига етказилган шикаст учун тоvon тўлаш, меҳнат ҳавфсизлигини бошқариш, жабр кўрганларни моддий рағбатлантириш усуллари ва бошқа мавзулардаги маърузаларини тингладилар. Ўқув машғулотлари якунида тингловчилар ўзаро фикр алмашув, иш юритиш усуллари бўйича муҳокама ва мунозараларни кўзатишди. Шунингдек, ўқув жараёнида олган билимлари, орттирган амалий ва назарий тажрибалари учун ушбу фойдали тадбирни уюштирган Ўзбекистон геология, геодезия, ва картография ходимлари касаба уюшмаси Марказий Кўмитасига миннатдорчилик билдирдилар.

"Ишонч" мухбири.

Савдо ва матлубот ходимлари касаба уюшмаси Наманган вилояти кўмитасининг навбатдан ташқари мажлисида ташкилий масала қараб чиқилди. Муҳаммаджон Рустамов ўз аризасига биноан савдо ва матлубот жамияти ходимлари касаба уюшмаси кўмитаси раислигидан, кўмита раёсати аъзоларидан озод қилинди. Мажлисда вилоят ҳокимининг ўринбосари Бурхонжон Абдуганиев, вилоят касаба уюшмалари кенгаши раиси Хабибулло Дадабоевич Абдурахимов нутқ сўзладилар.

Хўш, ҳали еш, авжи навқирон ва соғлом раҳбар нима учун лавозимидан бўшаш учун ариза ёзди? Маърузачилар ҳақли равишда таъкидлаганларидек, М. Рустамов ўн йил шу вазифада фаолият кўрсатди. Бу давр ичида тармоқ ходимлари манфаати учун бир мунча куч-ғайрат сарфланганлигидан кўз юмиш адолатдан эмас. Аммо, замон янгиланди, давр ўзгарди. Кечаги кун мақоми билан ишлаш бугунги кун талабига жавоб бермай қўйган. Ўзбекистонимизнинг истиқлолга эришганлиги, бозор иқтисодиётининг қарор топаётганлиги, хусусий мулкчилик шакллариининг вужудга келиши натижасида янгича ишлаб чиқариш муносабатларининг туғилаётганлиги касаба уюшмаларидан ўз иштини тубдан қайта қуриш, фуқароларни ижтимоий ҳимоялашда маҳаллий ҳокимиятлар билан ҳамкорликнинг энг самарали усуллари излаб топиш тақозо этиляпти.

Афсуски, кейинги пайтларда тармоқ кўмитаси бу муаммолар билан шугулланмай, ўз эътиборини иккинчи даражали масалаларга қаратиш билан банд бўлиб, ҳатто савдо, тайерлов хизмати ходимларининг ойлнк маошлари билан қизиқмай қўйди. Шикоятлар қўпаяётганлиги ҳам

уни безовта қилмаётир. Унумли меҳнат учун шарт-шароит яратиш масаласини маъмуриятлар билан кўриб чиқишга аҳамият берилмади. Айрим жойларда боқимандалик кайфияти кучайди.

Мажлисда бошқа соҳаларда ҳам жиддий камчиликларга йўл қўйилганлиги алоҳида кўрсатиб ўтилди. Жумладан, ижтимоий сугурта маблағларининг тушумини таъминлашда сусткашлик қилинмоқда. Келиб тушаётган маблағлар эса ўз вақтида бошланғич ташкилотларга ўтказиб берилмаётир. Оқибатда беморлар, фарзанд кўрганлар, айрим турдаги нафақачилар ўз пулларини белгиланган муддатда ололмаётганлар.

Болаларнинг ези соғомлаштириш жойларида етарли шарт-шароит яратилмайди. Кўмита бу борада қонун талаб қилган даражада жонқуярлик ва талабчанлик кўрсатмаётир. Булардан ташқари, ўтган бир йил давомида тармоққа тегишли бўлган бошланғич ташкилотларда касаба уюшма аъзоларининг сафи 500 нафарга камайиб кетганлигини ҳам ижобий баҳолаш қийин.

Ҳоким муовини Бурхонжон Абдуганиев фуқароларни ижтимоий ҳимоялашни кучайтириш, бу йўлда маҳаллий ҳокимиятлар билан ҳамкорликни фаоллаштиришга доир масалаларга атрофлича тўхтади.

Мажлисда вилоят матлубот жамиятлари уюшмасининг савдо-ташкилий бўлими мудир вазирасида ишлаб келган Шарофатхон Зокирова савдо ва матлубот жамиятлари ходимлари, касаба уюшмаси вилоят кўмитасининг раиси этиб сайланди.

"Ишонч" мухбири.

КЎМИТА РАИСИ НЕГА ЎЗГАРДИ?

Шу сондан бошлаб касаба уюшмалари фаолиятида кўп учрайдиган атама ва ибораларнинг ўзбекча муқобилларини бериб боришни лозим топдик.

КАСАБА УЮШМАЛАРИ ФАОЛИЯТИДА КЎП УЧРАЙДИГАН АТАМА ВА ИБОРАЛАРНИНГ ЎЗБЕКЧА МУҚОБИЛЛАРИ.

1. Трудовой договор — Меҳнат шартномаси.
2. Арендная предприятия — Ижара корхонаси.
3. Общества с ограниченной ответственностью — Масъулияти чекланган жамият.
4. Работодатель (собственник имущества предприятия или его представитель, делегированы права собственности по управлению предприятием) — Иш бошқарувчи (корхона мулкнинг эгаси еки корхона бошқариш бўйича мулкдорлик ҳуқуқи берилган унинг вакили).
5. Совет предприятия — Корхона кенгаши.
6. По совместительству — Уриндошлик бўйича.
7. Надомный труд — Уйда ишлаш.
8. Квалификационный справочник должностей — Лавозимлар малака таснифи.
9. Тарифная ставка (должностной оклад) — Тариф ставкаси (мансаб

- маоши).
10. Надбавка — Устама тўлов.
11. Доплата — Қўшимча тўлов.
12. Вознаграждение — Мукофот.
13. Оформление — Расмийлаштириш.
14. Адреса сторон — Томонлар манзили.
15. Гербовая печать — Гербли муҳр.
16. Структурное подразделение предприятия — Корхона тузилмавий бўлими.
17. Срок испытания — Синов муддати.
18. Соблюдения правил по охране труда ТБ — Меҳнат муҳофазаси ва техник ҳафсизлиги қондалари.
19. Должностная инструкция — Мансаб йўриқномаси.
20. Качества работы — Ишнинг сифати.
21. Режим рабочего дня — Иш кунининг тартиби.
22. Благотворительная деятельность — Хайрия фаолияти.
23. Ветеран труда — Меҳнат фахрийси.
24. Бюджетный фонд — Бюджет жамғармаси.
25. Гимн — Мадҳия.
26. Герб — Герб.
27. Символ — Рамз.
28. Профсоюзный комитет — Касаба уюшмаси кўмитаси.

САХОВАТПЕШАЛАР

ЭЛИКҚАЛЪДА одатдагидан ўзгача янги бир ташкилот иш бошлади. У туманни ижтимоий-иқтисодий ривожлантириш бўйича жамгармадир. Ҳамсуҳбатимиз ана шу жамгармада директори Нурилла Отажоновдан мақсуд ташкилот олдида турган вазифалар, асосий мақсад нималардан иборатлигини гапириб беришни илтимос қилдик.

— Жамгармамиз иш бошлаганига ҳали кўп вақт бўлгани йўқ. Унинг асосий мақсади хайрия ишларига кўмаклашиш, аҳолининг кам таъминланган қисмини иқтисодий жиҳатдан ҳимоялаш, туманни ривожлантиришга бюджетдан ташқари маблағларни жалб этишдан иборатдир. Илк фаолиятимиз бошланган пайтда 600 минг сўм миқдорда Устав жамгармаси маблағига эга эдик, холос. Ҳозир 160 миллион сўмга етди. Бу маблағ асосан ташкилот, корхоналар, фуқароларнинг ихтиёрий хайрия тўловларидан ташкил топди.

— **Амалга оширган саховатли ишларингиз ҳақида қисқача тўхталсангиз.**

— Бажонидил. Жамгарманинг маблағини турли хайрли, савобли мақсадларга сарфлаш билан бирга тумандаги корхона ва ташкилотларга йилига 24 фоиздан 36 фоизгача устамаси билан молиявий ёрдам кўрсатиб, шу туфайли жамгарма маблағини йилига 50 миллион сўмга кўпайтириб боришни режалаштирган эдик. Бу режа уддаланди. Натижада туман жамоа хўжаликларига фоизсиз молиявий ёрдам кўрсатиш имконига эга бўлди. Бизнинг маблағларимиз дастлаб хўжалик бинолари, мактаб, болалар боғчалари ҳамда шахсий уйларга табиий газ шахобчалари ўтказиш ишларига сарфланди. Масалан: “Қилинчоқ”, “Сарибий” ва “Эликқалъа” жамоа хўжаликларига ажратилган 50 миллион сўм шу мақсадларда фойдаланилди.

Шунингдек, туман матлубот жамиятига берилган 80 миллион сўмлик ёрдам маблағига ҳаётий эҳтиёжлар учун зарур халқ истеъмол моллари сотиб олиниб, аҳолига ўз вақтида етказиб берилди.

Жамгармамиз қишлоқ хўжалигини ривожлантириш учун бошланган курашда ҳам фаол иштирок қилганини айтиши лозим. Бу бордаги ишлар кўпчилигини қизиқтирса керак. Ҳосилга ҳосил қўшилаётган июль-август ойларида туман ҳокимлиги томонидан тузилган назоратчи мутахассислар хўжаликларда қишлоқ хўжалик экинларининг ривожланишида амалий ёрдам бердилар. Улар 40 кун сурункасига иш олиб боришди. Бу гуруҳни етарли маблағ билан таъминлаш учун 1 миллион 600 минг сўм маблағ ажратилди. Мазкур гуруҳнинг меҳнатлари зое кетмади: туманда 40 минг 100 тонна ўрнига салкам 47 минг тонна юқори сифатли пахта тайёрланиб, давлатга сотилди. Давлат режаларини ортиги билан бажарилиши муносабати билан ўтказилган “Ҳосил байрами”ни ўтказиш ва илгорларни моддий жиҳатдан рағбатлантириш учун жамгарма ҳисобидан 1 миллион 900 минг сўм сарфланди.

Биз меҳнаткашларнинг саломатлигини сақлаш, тиклаш ва уларнинг кўнгилли дам олишлари учун ҳам шароит яратиш ишида фаол қатнашмоқдамиз. Оқчакўл соҳилида қурилаётган 360 ўринли дам олиш ва даволаниш масканини бунёд этиш учун 30 миллион сўм ажратдик. Аҳолига маиший хизмат кўрсатиш уйига ажратилган 5 миллион сўмга арзон баҳодаги газмоллар сотиб олиниб, турли кийим-кечаклар тикилди. Натижада аҳолига маиший ва пуллик хизмат кўрсатиш ишлари бир мунча яхшиланди.

Жамгармамиз маблағлари ишлаб чиқариш иншоотлари қуриб, ишга туширишга ҳам ҳолис хизмат қиляпти. “Синдор” кичик корхонасига ажратилган 4 миллион сўмга гишт ишлаб чиқариш ускуналари сотиб олган эди. Ҳозир бу цехни ишга тушириш бўйича охириги тайёргарликлар олиб борилапти.

Экологик вазиятни яхшилаш учун ҳам иштирок қилаётганимизни алоҳида таъкидлаш лозим. Жумладан, Бўстон шаҳридаги Миллий боғни бунёд этиш сарфланган 5 миллион сўмлик маблағ ўзининг яхши самарасини берди.

Бозор муносабатларига ўтиш даври табиий равишда мураккабликларни, машаққатларни келтириб чиқарди. Айни пайтда кам таъминланган оилаларга, ногиронлар ва қаровчисиз қолганларга, мухтожларга хайрия ва саховат қилиш эзгу ниятимиздир. Республикаимизнинг икки йиллик тўйи муносабати билан шундай оилаларга, мухтожларга ярим миллион сўм миқдорда моддий ёрдам кўрсатилди. Умуман боқувчисиз қолган оилаларга мунтазам равишда кўмаклашиш жамгарма фаолиятининг ўзагини ташкил этади.

— **Мазмунли суҳбатингиз учун раҳмат! Келгуси саховатли ишларингизда омад тилаш билан бирга, Сиз раҳбарлик қилаётган жамгарма сингари ташкилотлар республикамизнинг бошқа туманларида ҳам ташкил топса, баҳоли қудрат савобли, саховатли ишлар билан шуғулланса, нур устига аъло нур бўлган бўлур эди, деймиз.**

Сухбатдош: Абдурахмон ИСКАНДАРОВ, “Ишонч” мухбири.



ЖИЗЗАХ таъмирлаш корхонаси бундан 50 йил аввал — Улуг Ватан уруши йиллари хўжаликлараро устакхона сифатида ташкил топган. Дастлаб қишлоқ хўжалик машиналари учун эҳтиёт қисмлари тайёрлашга ихтисослашган корхона 1947 йилдан “ГАЗ” ва “ЗИС” маркали юк автомобилларининг жун қирқиш, агрегатларнинг двигателларини таъмирлайдиган бўлди. Кейин-кейин

Тўнғич Корхона

аккумуляторлар, генераторлар, двигателларни таъмирлаш йўлга қўйилди.

Корхона қошида ўнлаб механизациялашган ва автоматлашган цехлар замонавий устакхоналар қад тиклади, ишчилар учун турар жойлар қуриб битказилди.

Ҳозирги пайтда корхонада буюртмалардан ташқари гишт қуйиш қолиплари, бетон қориш, ер текислаш агрегатлари, қишлоқ хўжалик машиналари учун эҳтиёт қисмлар, халқ истеъмол моллари ишлаб чиқариш йўлга қўйилди. Корхона жамоаси 1993 йилда 296 миллион сўмлик маҳсулот ишлаб чиқарди. Йиллик режалар бажарилди. 60 миллион сўм соф даромад олинди.

Меҳнат фаолиятини

Тошкентдаги трактор йиғиш заводидан токарликдан бошланган, кейинчалик турли корхона ва муассасаларга етакчилик қилган, айни пайтда 50 баҳорни қаршилайётган Холмурод Лапасов ана шу тўнғич корхонага раҳбарлик қилаяпти. У ўн уч нафар фарзанднинг отаси, 200 нафар ишчи-хизматчининг жонкуяр раҳбари.

Ҳозирги кунлар, Жиззах ҳокимлиги ва шаҳар касаба уюшмаси қўмитаси корхонанинг 50 йиллик юбилей тантаналарини ўтказиш тараддудини қизитиб юборган.

Суратда: Жиззах таъмирлаш корхонаси раҳбари Холмурод ЛАПАСОВ. Алибой ЭРГАШЕВ, “Ишонч” мухбири.



Ота-боболаримиз удуғлаган, билган хунарни ёшлар ўрганиб, ажойиб санъат асарлари яратишлари ҳам қарз, ҳам фарздор. Навоий вилоятининг Қизилтепа туманида ташкил этилган “Тавонс” кичик корхонасида ёшлар кўмгон, лаган, офтоба каби миллий буюмларни катта маҳорат билан ишлаб чиқариб, халққа маъқул қилаяптилар. Суратда: Қўли гул мисгарлардан Ф. Музаффаров ва Х. Ражабов ўртоқлар.

Т. НОРҚУЛОВ (ЎЗА) олган сурат.

Ахборотлар

МЕЛИ ОТАНИНГ ҲИММАТИ

Сирдарё вилоят Боёвут туман халқ таълими бўлими мудир **Комилжон Шарофбоев** мактаблардаги янгиликлар ҳақида гапирганида **Мели ота Муродов**нинг ўзи яшаб турган қишлоғи болаларига кўрсатаётган меҳру муруватини алоҳида таъкидлайди. Ота ўз пенсияси ҳисобидан 26-мактаб ўқувчиларига ёрдам тарзида ҳар ойда 20 минг сўмдан бериб туришини маълум қилди. Мели ота бундан ташқари керакли спорт жиҳозларини сотиб олиб, мактабга совға

қилишдек савоб ишни ҳам ўз зиммасига олган.

Мели Муродов “3-Боёвут” ширкатлар уюшмасининг 5-бўлимида яшайди. Узоқ йиллар хўжаликда пахтачилик бригадаси бошлиғи бўлиб ишлаган. Ҳозир у дам олишда.

— **Биламан, — дейди Мели Муродов. — Мен ҳар ойда берадиган пул мактаб миқёсида дарёдан бир томчи, холос. Лекин қўлимдан келган саховат шу.**

Ҳимматингиз учун раҳмат, Мели ота!

Саминжон СУЛТОНОВ, “Ишонч” мухбири.

ШИФОХОНА ТАШКИЛОТ ОТАЛИГИДА

Наманган вилоятида иқтисодий мустақкам савдо ва ишлаб чиқариш ташкилотлари томонидан маҳаллалар, халқ таълими ҳамда соғлиқни сақлаш тармоқларини оталиққа олиш каби савобли анъаналар оммалашиб бормоқда.

Яқинда вилоят сув хўжалиги бошқармаси қимматли ташаббус кўрсатди. Йирик саломатлик шахобчаларидан саналган вилоят юқумли касалликлар шифохонасини ўз оталиғига олди. Ҳозиргача уни маҳалла ва мактабдан ажратиб турадиган 100 газ узунликдаги деворни қайтадан тиклаш, кўчани кенгайтириш, асфальт йўлка барпо этиш билан боғлиқ 11 миллион сўмлик қурилиш ва ободонлаштириш ишлари уддаланди. Яна 50 газ деворни бузиб бошқатдан бунёд этиш, бош дарвозани “Ойдин йўл” даҳаси томонга олиш, шифохона ҳовлисида шинам гулзор яратиш ва улар атрофига бежирим тўсиқлар ўрнатиш, сув йўлларини равонлаштириш ҳамда кўкламзорлаштириш юмушларига қўл урилди. Айни вақтда бошқарма камб ва қимматбаҳо доридармонлар топишда ҳам шифохонани кўллаб-қувватламоқда.

“Ишонч” мухбири.

ГУЛИСТОН пахта тозалаш заводи қошида ишга туширилган “Нилуфар” пайпоқ тўқиш корхонасида ҳар йигирма сонияда тайёр маҳсулот чиқарилади. Сифатли, бежирим тўқилган икки турдаги пайпоқ ўта харидоригр.

— “Пахтаसानотсавдо” вилоят ишлаб чиқариш бирлашмасининг ташаббусига биноан Туркиянинг “Мадсан” фирмаси билан шартнома туздик. — дейди корхона директори Садриддин Носиров. — Шунга кўра корхонамизга Италиянинг “Савно-Матек” фирмасидан 22 та тўқув дастгоҳи келтириб ўрнатилди. Маҳаллий ешлардан 15 нафарини хорижлик ҳамкасблар дастгоҳлардан фойдаланиш сир-асрорларини ўргатишди.

Корхонанинг иш бошлаганига эндигина бир неча ой бўлди. Лекин қисқа фурсат ичида ишчиларимиз тўқув ишларини тўла ўзлаштириб маҳсулот чиқараётдилар.

Корхона ҳадемай савдо шахобчаларига спорт ва оддий пайпоқлар турини етказиб беради. Иш

АНДОЗАСИ ЭЛГА МАНЗУР

икки сменада ташкил этилса, 8 соат мобайнида 5 минг жуфт пайпоқ тўқилади. Хом ашёнинг тури кўпайса маҳсулотнинг ҳам турлари оша боради.

Заводда яқин вақт ичида пахта толасидан ип тўқиш йўлга қўйилади. Шунда “Нилуфар”

корхонаси учун хом ашёни бошқа ип-йигирув корхоналаридан олиб келишга ҳожат қолмайди. Ярим автомат-компьютер дастгоҳларини мароқ билан бошқараётган ешлардан Исмоил Аҳмедов, Азим Ҳайдаров, Юра Волков ва Бахтиёр Мамаражабов сифатли пайпоқ тўқиб, аҳолига етказиш мақсадида меҳнат қилаётир.

Истиқлол шарофати боис янгиликка тобора кенг йўл очилаётган шундай кунларда “Нилуфар” тамғасида жаҳон андозаси билан маҳсулот чиқарилаётгани замон таъбири. Зеро янгиликнинг ҳаминша эзгу ниятлари покна бўлади.

Норинисо ҚОСИМОВА, “Ишонч” мухбири.

Публицистика

ОГОҲ БЎЛИНГ, ОДАМЛАР!

БИР китобга "Покланиш мустақиллик кунидан бошланади" деб сарлавҳа қўйилиб, яхши ният қилинганди. Афсуски, покланишни истамайдиган, ўзгариши қийин, сув тошса тўпиғига чиқмайдиганлар ҳали ҳам бор экан. Бундайларни нима деб аташ, кимга ўхшатишни топиш кўп қийин бўлди. Лекин излаган топаркан. Хафа бўлишмасину уларни суваракларга ўхшатиб тўғри қилишибди. Чунки сувараклар текин емиш бор жойни топишса бас, гивир-гивир, югур-югурдан тинчшмас эканлар. Мен назарда тутганлар ҳам шунақа: текин томоқдан уялишмас, бир сўмлик иш бажариб, ўн сўмни юлғувчи, шахсий манфаатлари йўлида ҳеч қанақа қабихликлардан ҳам тортинишмайдиган, андиша, диёнати аллақачон қабрга кўмиб келишган одамлар.

Жамият покланаётган бир даврда ўша сувараксимон одамларда ҳам инсоф ёки диёнат уйғонармикан деб умид қилинганди. Аммо бари саъй-ҳаракатлар афсуски бекор кетяпти. Ушандайларни фаолиятсизлик ва қатъиятсизликдан қутултириб, адолатли демократик жамият киши қилиб тарбиялаш мумкин деган одам янглишар экан. Оллоҳ таоло жонотларни яратаётганда ҳар қайсисига ўзига мос вазифа инъом этган. Чаёнга — найза санчиш, илонга — заҳар сочиш, қурбақага — қуриллаш, итга — ҳуриш, булбулга — сайраш, чумолига — бетиним ишлаш. Одамзодга эса... Бир одам бировга дағдаға қилиб, бировни кўрқитиб унинг ҳисобига яшаш ниятида ўзига тобе қилиш пайида бўлса, иккинчиси халқ ғамини еб, ҳалол тер тўкиб, меҳнат қиларкан. Шунинг учун унинг биринчисини инсоф, иккинчисини инсофли одам дейиларкан. Кошкиди, униси ҳам, буниси ҳам бир хил файз-фазилатли, чумолидек меҳнаткаш, нозик дидли, арслон қоматли бўлишса...

Йўқ. Ҳаётда бундай бўлмас экан. Яхши-ёмонни фарқлаш, иссиқ-совуқни сезиш, ундан буни қиёслаш учун одамлар ва одамсимонлар керак экан.

Бас, шундайми, фалсафамизни оддий ҳаётимизга ёйиб деймиз: "Жамият менга нима берди эмас, мен жамиятга нима бердим", қабилда яшовчилар кўпайсин. Киборликни, "фақат ўзим биламан" деган гердаишни ўзига ҳаёт тарзи қилиб олган одамсимонлар эса камайсин, Шунга огоҳ бўлинг, одамлар!

Тўлқин МУҲИДДИН.

ДОЛЗАРЪ МАСАЛАЛАР

Ўзбекистон Республикаси халқ таълими ва фан ходимлари касаба уюшмаси Марказий кўмитаси раёсатининг Урганч шаҳрида кўча мажлиси бўлди. Унда Хоразм вилояти халқ таълими органлари ва ўқув юртларида Ўзбекистон республикаси меҳнат қонунчилигининг шартнома (бити) тузиш, меҳнат дафтарчаларини юргизиш ва интизом чораларини қўллаш бўйича қисмларига рияз этиш борасида олиб борилаётган ишлар муҳокама қилинди. Таъкидландики, бу борада вилоятда бир мунча ишлар қилинган. Лекин шу билан бирга айрим камчиликлар ҳам мавжуд.

Раёсат мажлисида тармоқ кўмитаси фаолиятини такомиллаштириш, меҳнаткашларни ижтимоий-иқтисодий, ҳуқуқий манфаатларини ҳимоя қилишга қаратилган бошқа масалалар ҳам муҳокама этилди.

Раёсат мажлиси қатнашчилари Урганчда Туркменистон Республикаси халқ таълими ходимлари касаба

уюшмаси Марказий Кўмитаси вакиллари билан учрашдилар.

Ўзбекистон Республикаси халқ таълими ва фан ходимлари касаба уюшмаси Марказий Кўмитаси раиси ўринбосари А.Султонов меҳмонларга тармоқ ходимларини ижтимоий ҳимоялаш бўйича амалга оширилаётган ишлар ҳақида гапириб берди.

Туркменистон Республикаси халқ таълими ходимлари касаба уюшмаси Марказий Кўмитаси раиси С.Х.Валиев, Ашгабат шаҳри тармоқ кўмитаси раиси Г.Н.Аманова, Тошхувус вилоят тармоқ кўмитаси раиси М.Аширқовлар ҳам сўзга чиқдилар. Ҳамдўстлик алоқаларини давом эттириш зарурлиги ҳақида гапирдилар. Касаба уюшма ташкилотларини фаолиятига тўхталдилар.

Ҳамдўстлик учрашувида касаба уюшмалари Хоразм вилояти кенгаши раиси ўринбосари О.Болтаев иштирок этди ва сўзга чиқди.

ШАҲМЕДОВ,
"Ишонч" мухбири.

Яқин таниш, ёхуд дўсту биродарларимизни бирор муносабат билан қутлар эканмиз, "чин қалбдан", "сидқидил", "самимий" каби сўз ва ибораларни ишлатишга тўғри келади. Мазмунида илтифот, ҳурмат, муҳаббат ифодаси акс этган бундай сўзлар замирида "ҳақиқатдан", "ҳолис ниятлар" ёки "тўғрилиқча" деган тушунчалар ҳам мужассамдир. Ҳазрат Алишер Навоий асарларида ҳам бундай ахлоқий сифатларга кўп эътибор берилган. Сидқидиллик унинг лирик асарлари, хусусан, ғазал ва тўртликларида ростгўйлик, тўғрилиқ каби сўзлар бир неча маъно товланишлари орқали истифода этилганини кўрамиз.

Навоий ростгўйликни шунчаки насиҳат оҳанги билан тарғиб этиб қолмайди. Шоир ўзининг подшоҳга ва ўзи яшаган даврнинг ижтимоий табақаларига бўлган муносабатларини очишда муҳим восита янглиғ тилга олади:

Шаҳга сидқ аҳли дамидин
машъали давлат ёрур.
Меҳридекким, субҳ анфоси
очартаълат анга.

Яъни: "сидқ аҳли" — тўғри сўзли, чин фикрли оқил инсонлар туфайли подшоҳ давлатининг

бўлишини ўқитарди. Бундай фикрлар бугунги кун учун ҳам нақадар маърифий қимматга эга. Навоий доим дўсти Хусайн Бойқаронинг дарвешсифат подшоҳ, фуқаропарвар ҳукмдор бўлишини истаган.

Ростгўйлик фазилатдир

чиروғи ёруғ бўлади, чунки тонг ҳам ўз ҳусну тароватини қуёш туфайли очади. Умри бўйи давлатни адолатли идора қилувчи, эл ғамини йўловчи, маърифатли подшоҳни орзу қилиб яшаган буюк шоир адолатликнинг таянч устунларидан бири ростгўйлик, тўғри ва холис фикрлик эканлигини кўп таъкидлаган. Навоий фақатгина ҳукмдорнинг ростгўйлигини етарли деб ҳисобламай балки бошқаларнинг ростгўйлиги, сидқидиллиги билан ҳам салтанат мустақкам ва ёруғ

Навоийнинг юқоридаги байтида "сидқ" сўзи бир неча мазмунни ифодаб, агар ростлик, тўғрилиқ, ҳақиқат, холислик каби ҳислатларига заарча соя қўнса ул кимсанинг бутун Хуросон аро ҳурмати қолмаслигига урғу беради:

Ростларнинг чўн Хуросон ичра
йўқтур ҳурмати,
Вақт эрур қилсанг, Навоий,
эмди оҳанги Хижоз.

Хуросон давлати подшоҳлигида тўғри сўзли, холис ниятли инсонларнинг ҳурмати бўлмагач,

тавофгина таскин ва малҳам бўлиши мумкин.

Навоий учун подшоҳнинг ҳам, фуқаронинг ҳам ростгўйлиги бирдек керак.

Чунки инсон ўзлиги худди шу сифат билангина намоён бўлади. Ҳар бир ишда сидқидиллик, масъулият бўлмаса, ишнинг ривожидан даргумон.

Сидқ ичра қачонки чиқса оти
эрнинг,
Фош ўлса садоқатда сифоти
эрнинг,
Хушроқни тавил ўлса ҳаёти

Маънавий қадриятларимиз

бунда яшамоқдан не ҳожат? Шоирнинг қалбидеги ана шу изтиробли туйғуларига ким ҳам малҳам бера оларди. Фақат Буюк Каъбагина, дилдан қилинган

эрнинг,
Ким, сидқидин-уқ дурур
нажоти эрнинг.

Шоирнинг бу сатрларида улғ инсоний сифат бўлган — сидқидиллик туфайли ҳар бир эрнинг умри узун бўлишини таъкидлаш билан бирга, яшамоқлик, яъни баркамоллик — комилликка етишувда ҳам ушбу сифат лозимлиги ўқдирилади.

Қаранг, биргина сидқидилликнинг ўзи бизлар учун қанчалар юксак ахлоқий сифатлар лозимлигини кўрсатиб турибди. Бугунги кунда, истиқлолимизни мустақкамлашдек муҳим ишларимизда ҳам ана шу оддий, инсоний сифатлар қалбимиз тўридан жой олиши қанчалар зарур эканлигига шак-шубҳа йўқдир.

Туйғун ХОЛИМАТОВ,
Ўзбекистон Фанлар Академияси адабиётшунослик институти илмий излаувчиси.



Республикаимиз ФАнинг киме илмгоҳи таркибида алкалоидлар лабораторияси очилганига 50 йилдан ошди. Унинг ташкилотчиси машҳур кимёгар олим, академик Собир Юнусов эди. 1956 йилда лаборатория заминида ўсимлик моддалари кимёси илмгоҳи пайдо бўлди. Институтни ҳам, тажрибахонани ҳам 1981 йилгача Собир Юнусов бошқариб келди.

Ҳозирги кунда алкалоидлар лабораториясини довланинг шогирди, киме фанлари доктори Рауф Шокиров бошқармоқда. Мухбиримиз у киши билан учрашиб, мулоқотда бўлди.

— Рауф ака, алкалоидлар кимёси тажрибахоналарида олиб борилаётган ишларнинг довругини кимёгарлар яхши

билишади. Аммо бу ерда яратилаётган ихтиролар, янгиликлар, шифобахш дори-дармонларнинг барчага бирдек кадрли эканлигидан кўпчилик беҳабар. Шунинг учун аввало лабораториянинг илмий йўналиши ҳақида айтиб берсангиз.

— Бизнинг ишимиз асосан ўсимликлардан алкалоидлар қидириш, топилганларини ажратиш олиш усулларини яратиш, уларнинг кимёвий тузилишини, ўсимликларда қай тариха йиғилиш жараёнларини ўрганишдир. Кейин олинган алкалоидларнинг физиологик таъсирларини ҳам ўрганамиз ва бу ишлар натижасида улардан шифобахш препаратлар яратилади, биосинтез жараёнлари тадқиқ этилади.

Шу кунгача ходимларимиз 30 оилга мансуб 270 турдан кўпроқ ўсимликлардан 1000 га яқин алкалоидларни ажратиш олишган. Уларнинг яримидан кўпи ҳали фанга номаълум янги алкалоидлардир.

— Янги топилган алкалоидларнинг аввало қайси жиҳатларига аҳамият берилади? Демокриманки, уларнинг қайси хусусиятлари кимёгарлардан ташқари яна кимлар билан ўрганилади?

— Аввало доришунослар билан алкалоид хосасининг тузилишига боғлиқлиги ўрганилади. Мисол учун алкалоид тутган дитерпенлар, индоллар, хинолини, стероидли, хинозолини, олтингурутгли бирикмалар шу йўл билан ўрганилиб, улардан тиббиёт учун қимматли препаратлар олинган.

— Уларнинг инсон саломатлигини тиклашдаги шифобахш хусусиятлари ҳақида ҳам тўхталиб ўтсангиз.

— Тажрибахонамизда топилган ликорин, дезоксипеганин, галантамин, цитизин, аллапинин сингари шифобахш препаратлар доришунослик сановатида ишлаб чиқарилмоқда.

Мисол учун Унгерия ўсимлигидан олинган ликорин моддаси нафас йўллари яллиғлинида, сурункали шамоллашда, нафас қисийш ҳолларида фойдалидир. Айни шу ўсимлик туридан олинган галантамин препарати эса асаб касалликларига боғлиқ шол касалликларига қўлланилади.

ЦИТИЗИН препарати эса марказий, яъни олий асаб системаларини кўзгатувчи сифатида ишлатилади. Масалан, хушдан кетган одамни хушига келтиришда жуда асқотади.

Дезоксипеганин эса халқ табобатида маълум бўлган исирикдан олинади. У турли хил асаб касалликларида ишлатилади.

Парпи ўсимлигидан олинган аллапинини препарати эса юрак касалликларида, юрак ўйноғида, юракнинг нотекис уриш жараёнини нормаллаштиришда жуда қўл келади.

Булардан ташқари турли хил тиббий-биологик тадқиқотлар учун бир неча биофармацевтикамиз Франциянинг "Лотоксан" фирмаси орқали сотилмоқда.

— Энди лабораторияда меҳнат қилган, қилаётган олимлар ҳақида ҳам тўхталиб ўтсангиз.

— Ўтган 50 йил давомида лабораторияда олимларнинг катта бир мактабига асос солинди. Бугунгача 17 фан доктори, 95 фан номзоди етишиб чиқди. Ҳозир бу ердан учирма бўлган олимларнинг кўплари мустақил равишда Республика-миздаги ва М Д Х даги институтларни, бўлимларни,

кафедра ва лабораторияларни бошқармоқдалар.

Мисол учун Республика қишлоқ хўжалиги академияси академиги Саъдулла Искандаров Тошкент доришунослик илмгоҳи ректори, профессор Самад Ақромов шу илмгоҳда лаборатория бошлиғи, профессор Абдулатиф Абдусаматов Тошкент аграр доришунуни агрономия кулиетида декан, профессор Марат Юнусов Россия ФАнинг Бошқирд бўлимида лаборатория мудири, кимё фанлари доктори Алижон Ибрагимов Фарғона ДУ органик кимё кафедрасининг мудиридир. Кимё фанлари докторлари — Паттоҳ Йўлдошев, Салима Орипова, Ираяда Бессоновалар хозирда институтда хизмат қилмоқда.

Лаборатория олимлари томонидан 1000 дан ортиқ илмий ишлар эълон қилинган, 30 дан ортиқ муаллифлик гувоҳномалари ҳамда қатор ихтиролар учун патент олинган, "Алкалоидлар" справочниги чиқарилган. Бу ишлар бир неча марта халқаро кўргазмаларда турли диплом ва медалларга сазовор бўлган.

Институт юбилейига ташкилий кўмита раиси, институт директори, Бериуний мукофоти совриадори, профессор Ҳамидулла Орипов раҳбарлик қилди. Бу санага атаб "Табий бирикмалар кимёси" ойнамасида "Алкалоидлар кимёси ютуқлари" туркум мақолалари, "Алкалоид тутган ўсимликлар тадқиқи натижалари" тўплами, янги "Алкалоидлар" справочниги чиқарилди. Институтда, лабораторияда турли илмий анжуманлар ўтказилди. Ҳозирги кунда лаборатория ўсимликларнинг тадқиқоти, улардан алкалоидлар олиш, тузилишини ўрганиш бўйича дунёдаги етакчи илмий марказлардан бирига айланган.

Сўхбатдош: Адҳам ДАМИНОВ,
"Ишонч" мухбири.

Хурматли "Ишонч" таҳрирати ходимлари, газетангизда ҳар хил саволларга жавоб берилиши кўпчиликини қувонтирмакда. Бизнинг кўндан ўйлаб юрган бир савол билан сизга мурожаат қилмоқдамиз: улуг шoir Алишер Навоийнинг газалларини ўқиганингизда кўпинча "хiebон" сўзининг такрорланганини кўрасиз. Бунинг боиси нима? Шу ҳақда тўлиқроқ маълумот еки мақола берилишини ўтириб сўраймиз.

Эҳтиром билан,
М. НОРМАТОВА,
Қашқадарё вилояти, Қарши шаҳар,
29-мактабнинг бир гуруҳ ўқитувчилари номидан.

— Илтимосингизга биноан Ўзбекистон Фанлар Академиясининг Адабиётшунослик институти илмий тадқиқотчиси Туйғун Холматов куйидагича маълумот беради.

НАВОИЙ ВА ХИРОТ
"ХИЕБОН"И

Дарҳақиқат ҳазрат Алишер Навоий газалларини мутоала қиларкансиз бир неча бор "хiebон" деган сўзга дуч келасиз. Шоирнинг сатрлар қатига жойлаштирган турфа фикрлари мағзини ҳақиқат учун ҳар бир қўллаган сўзининг моҳиятини синчиклаб ўрганиш лозим бўлади. "Хiebон" сўзи учрайдиган байтлар ҳам шулар жумласидандир. Масалан, "Фавоид ул-кибар" девонининг 520-газалидаги куйидаги байтни ўқиймиз:

Хiebонда Навоий сабрини гар хўблар олди, Ўзидин воқиф ўлсун, негаким шаҳри Ҳиридур бу.

"Хiebон" Хирот шаҳри билан боғлиқ жойнинг номи. Баъзи тарихий манбалар, ҳусусан, Хондамир ва З. М. Бобур асарлари ҳамда рус шарқшунос олимлари Бертельс, Массон, Белицкийларнинг илмий мақолаларида ҳам Хiebон тўғрисида маълумотлар учрайди. Хiebон Хирот шаҳрининг шимоли-шарқда бўлиб, ўша вақтларда зиёратгоҳ ва баъзи байраму тантаналар, сайиллар ўтадиган, икки тарафига дарахтлар ўтказилган узун кўчадан иборат бўлган. Шунинг учун ҳам Хiebон деган ном билан юритиб келинган. Хиротнинг тарихий типографияси билан шуғулланган рус археолог олими М. Е. Массоннинг таъкидлашича, Хиротнинг қичоқ дарвозасидан Ансорий мачитига олиб борадиган йўл "Қазаргоҳ хiebони" деб аталган ва бу йўлнинг икки томонига хiebонга ўхшатиб дарахтлар ўтказилган.

Юқорида тилга олганимиз олимларнинг манбалари ва мақолалари ҳам бевосита Навоийнинг асарларидан маълум бўлганидек, йўлнинг икки томонида ҳам улуг кишиларнинг муборак қабрлари жойлашганини ҳикоя қилади. Бу жой ўзига хос муқаддас зиёратгоҳ бўлган. Хиротликлар шу жойда оламдан ўтган улуглар руҳини хотирлашган, шунингдек, ўзларининг байрам ва сайилларини ўтказиб туришган. Бутун умрини ўз она заминининг бахти, салтанатининг

завол топмаслиги, элининг камоли учун сарф этган, улар қаторида куйса куйган, қувонса қувонган, йиғласа йиғлаган, улуг зот — Ҳазрат Навоий Хiebон сайрида не хаёлларни бошидан ўтказган, замонасининг носозликларидан тўлиб-тошган кезларида бу жойни кезиб, дардчил дилига таскин топган. Эҳтимол, бу йўлдан "Хирот пири" шайх Ансорий даҳмасига қараб йўл тутгандир. Шоир 1499 йили бу даҳма ёнига хонақоҳ бино бунёд қилиб, уламолардан ўзининг дарвешлик йўлига киришида маслаҳатлар сўраган.

Юқоридаги байтнинг мазмунини англамоқ учун аввал бу ердаги "сабр" сўзига диққат бериш лозимга ўхшайди. Сабр — чидам, тўзим, бардош, деган маъноларни беради. Бу-шоир руҳияти, илтижоси, ҳасрати, қайғуси, тўзим билмас гам-аламлари эмасмикин? Бу-улкан инсоний дардларни бардош билан кўтариб, гоҳ чуқур изтиробларга тўлиб юрган инсон — шоирнинг безовта руҳига сабру қаноат лозим эмасмикин? Бироқ, шоир айтганидек, унинг чидам, бардошини, изтиробларини "хўблар" (яхши инсонлар) олишса-да, аввало улар ўзларидан бохабар бўлмоқлари лозим. Негаки, бошидан сир-синаотларни ўтказган не-не орифу, оқил, ноқасу ножинси кўрган аллома шоир учун она огуши, меҳр тимсолига айланган Хиротдир. Хiebондек жойда Навоийни ўйлатган инсоний ташвишларнинг бири ҳам шудир.

"Фавоид ул-кибар" девонидати 488-газалнинг сўнгги байтида хiebон сўзига тагин келамиз:

Эй, Навоий, эл аро фитнадур, ул кофирга, Азми майдонму экин, майли хiebонму экин.

Эл ичида шунчалик гавго, бузилиш бўлса, бераҳм дунё учун, ҳаммадан ҳам кўпроқ изтиробга қалби торлик қилиб қолган шоир учун майдонга азм этиш ё хiebонга майл қилишдан бўлак илож йўқ. Шоир бундай хулосага келганини билиш учун бундан илгариги байтга эътибор берайлик:

Ёр жаврию улус зулми, фалак бедоди,

Манга ёлгузми экин, барчага яксонму экин?

Ёр жафоси, улус зулми, даврнинг адолатсизликлари ёлғиз менгами ёки ҳаммага ҳам бирдекми, деган дилтанг нозик и м о - и ш о р а л а р н и пайқамасликнинг иложи йўқ. Шоир мураккаб зиддиятли дақиқа, ҳолатларни кўп марта бошидан кечирган. Навоий дилтанг ҳолатларда, маҳзун чоғларида хiebонга чиқиб, у ердаги улугларнинг қабрларини зиёрат қилиш билан ўзига бир олам таскину руҳига мадад олганига имон келтирмасликнинг иложи йўқ.

Киши баъзан у ёки бу руҳий қисилишлар, изтироблардан тўйиб кетган кезлари табиийки, йиғлагиси келади. Баъзан эса ёлғизлик истаб қолиши мумкин. Шундай чоғларда танҳо сайр этиш киши дилига хуш оқади. Навоийнинг шундай байтлар битиши ҳам бежиз эмас, албатта. Ҳам шоир, ҳам давлат арбоби бўлиш билан бирга, барча қатори оддий инсон сифатида ҳам шоир куйиниши, йиғлаши мумкин-ку, ахир. Дарвоқе, "фақат яхши ни-ятли, самимий, дард нималигини билган, умр давомида қалбида саховат, меҳр-шафқат, садоқат ҳисларини эъозлаб сақлаган ки-шиларгина вақти келса тўлиб, куйиниб йиғлай олади" деган экан донолардан бири. Бу бежиз эмас.

Навоий "Мажолис ун-нафоис" асарининг 2-мажлисида ўзи озми-кўпми учрашган, алоқда бўлган, аммо ҳаётдан кўз юмган шоир, адиб ва толиби илмлар ҳақида ёзар экан Мавлоно Муҳаммад Тободжоний, Мавлоно Тўтиб, Мавлоно Соғарий, Мавлоно Кавсарий, Мавлоно Низом, Сайил Ҳасан Ардашерларнинг муборак қабрлари Хiebонда эканлиги ҳақида маълумот беради. "Хiebон" тилга олинган байтлар билан бунинг боғлиқлик томони бор. "Бадоеул васат" девонидати 593-газалдан олинган бир байт бунга бир мисол:

Навоий, беҳишт ичра фароғат йўлини сўрдунг, Намдоридур анинг Ҳирининг хiebони.

Мазмун, Навоий, сен беҳишт ичра роҳат истаб тинчлик, хотиржамлик, озодлик йўлини сўрадинг, Ҳирининг Хiebони шу йўлнинг кўриниши, айни ўзи.

Шундай хулоса чиқарилишининг сабаби бор, Хiebонда улуг инсонлар руҳи ҳукмрон, бу йўлдан "Хирот пири" — Навоий ўзгача ихлос, меҳр билан қараган шайх Ансорийнинг муборак марқадига борилади. Бу оддий роҳатланадиган хiebонгина эмас, кишининг нотинч руҳи хотиржамлик топадиган, турфа руҳий галаёнлардан фориг бўладиган маскандир. Бу маскан Навоийнинг суюкли шаҳри Хиротга йўлдош бир жой. Навоий ҳар бир сўзни ички куч, илҳом билан, таъбир жоиз бўлса, дард билан яратганига амин бўлмасликнинг иложи йўқ.

Сизлардан илтимос, бизга Рауф Парфининг ҳаёти ва фаолияти ҳамда Тоҳир Малиқнинг "Фалак" қиссаси ҳақида қисқача-маълумот берсангиз.

Абрий ШОДИЕВ,
Навоий вилояти, Нурота тумани, 14-ўрта мактаб.

Илтимосингизга кўра, "Ишонч" газетаси таҳририятининг маданият ва маънавият бўлими куйидагича маълумот беради.

РАУФ ПАРФИ

— Рауф Парфи 1943 йили Тошкент вилоятининг Шўралисой қишлоғида таваллуд топган. 1965 йили Тошкент Давлат Университетининг филология факультетини тугатиб, Ўзбекистон кинематография Давлат Кўмитаси (ҳозирги кинокомпания) да муҳаррирлик вазифасидан иш фаолиятини бошлаган. 1957 йилдан ижод қилиб, "Карвон йўли", "Садо", "Тасаввур", "Хотира", "Кўзлар", "Қайтиш" номли шеърий китобларини нашр этдирган.

Рауф Парфи Ғафур Ғулум номидаги адабиёт ва санъат нашриётида муҳаррир, Ўзбекистон ёзувчилари уюшмасида маслаҳатчи вазифаларида ҳам хизмат қилган. Бу давр ичида унинг жуда кўп шеърий асарлари чиқди, шу билан бирга Нозим Ҳикматнинг "Манфред", Карло Каладзенин "Инсон қиёфаси", Энвер Селяметнинг "Олтин болта" шеърий китоблари, Уйғур, Осиё ва Африка шоирларининг қатор асарларини ўзбек тилига таржима қилиб, шеърият мухлисларини мамнун қилган. Рауф Парфи ҳозирги кунларда ҳам унумли ижод билан машғул.

ТОҲИР МАЛИК

Тоҳир Абдумаликович Ҳобитов 1946 йили Тошкент шаҳрида туғилган. 1969 йили Тошкент Давлат Университетининг журналистика факультетини битириб, қурилиш иншоотларида оддий ишчи бўлиб хизмат қилиш билан меҳнат фаолиятини бошлаган. Сўнг ўқитувчилик

қилган. 1966 йилдан бери Тоҳир Малик таҳаллуси билан ижод қилиб келади. Унинг "Ҳикмат афандининг ўлими", "Самон йўли элчилари", "Чорраҳада қолган одамлар", "Бир кўча, бир кеча", "Заҳарли ғубор", "Алвидо болалик", "Сўнги ўқ", "Матонат" саргузашт-фантастик, қиссалари дунёга келади. Бу орда у "Ленин учқуни", Ўзбекистон радиоси, "Гулистон" ва "Шарқ юлдузи" журналларида муҳаррир ва бўлим мудирлиги вазифаларида ишлайди. Ҳозирги кунда ҳам Тоҳир Малик "Шарқ юлдузи" журналининг масъул котиби вазифасида ишламоқда. Унинг "Фалак" қиссаси 1972 йили яратилган бўлиб, воқеаси асосан Улуғбек замонасидан бошланади. Келинларнинг уйига осиглиқ фалак муаллифни ўйлатиб кўяди. Тасаввурга берилиш орқасида бепоён коинот, бесаноқ юлдузларни кўз олдига келтиради. Фалакда акс этган тасвирлар қадимда аёлларимизнинг осмон илмидан бохабарлигидан дарак бермайдими, деган хулосага келади. Чунки унда бус-бутун осмон харитаси тузилган-ку, дейди. Ана шу хилда тавсиф-тасвирлари бойиб, фикрлари кенгайиб, Улуғбек фаолияти билан боғланиб кетади. Алкимёгар олим Шамсибек тимсолида буюк фазогирлар, осмон илмий жафокашлари ёрқин ифодасини топган "Фалак" номли фантастик қисса дунёга келади. Тоҳир Малик жўшқин руҳ ва илҳом билан яна янги қиссалар устида ишламоқда.

МАҲАЛЛА ОҚСОҚОЛИ

Кейинги пайтлари "Оби машҳад" маҳалласи анча обод бўлиб қолди. Кўчалар кўркамлашди, ариқлар тозаланди, ҳовлиларда гулзорлар барпо этилди. Маҳалла оқсоқоли Мамад Аҳмедов спортчимасми, ҳовлисида кичик спорт майдончаси ташкил этиб, волейбол, шахмат-шашка, оғир атлетика ва спортнинг бошқа турлари бўйича қизиқадиган болакайларни таклиф қилди...

Республика Президентининг республика "Маҳалла" жамғармасини ташкил этиш ҳақидаги қарори юртнинг ободлиги, турли савоб ишларнинг амалга оширилиши учун катта тадбир бўлди. Шу боис туман ва шаҳардаги маҳаллаларни мувофиқлаштирувчи кенгашлар тузилди. Шунингдек, маҳаллада истиқомат қиладиган кишиларнинг қувонч ва ташвишлари, маъракаларнинг қай йўсинда ўтиши ҳам маҳаллий ҳокимликларнинг диққат марказида турадиган бўлди. Самарқанд шаҳар кенгаши депутати Мамад Аҳмедов ишчан, халқимга, юртимга хизмат қилайин, деб бел боғлаганлардан. Ўтган йили "Маҳалла" жамғармасидан маблағ олиб, ҳайитларда, байрамларда қаровчисиз, касалманд одамларга хайрия тарқатди. Сўнг ўйдим-чўйдим, чанг кўчаларни асфальтлаштирди, тор кўчаларга чироқлар ўрнатишда бош-қошлик қилди. Ҳозирги кунда эса "Оби машҳад" учун катта чойхона қурилиши охирига етай деб қолди.

Ҳожат талаб кишилар азонлаб Мамад оқсоқолнинг дарвозасини тақиллатишади. Маҳалла раиси ташриф буюрган одамнинг кимлигидан қатъий назар "Хўш, хизмат", дея қўлларни кўксига қўяди.

— Самарқанд — спортчиларга бой шаҳар, — деб гап бошлайди Мамад оқсоқол доим, — лекин ҳомийга зор, кўмакка муҳтож жаҳон чемпионлари яшайди, у сиз билан бизнинг нигоҳимиздан ниманидир ахтарайди, илинж ва мадад сўрагиси келади. Улар миллий спортимизнинг даргалари, Самарқанднинг, Ўзбекистоннинг шавкатини еядиган болалар. Бизлар бегона одамни кўрсак, танимаймиз. Аммо спорт ундай эмас, негрми еки мексикалими, бошқами спортчи бўлса бас — дарров дўстлашиб, қадрдон бўлиб кетақолишади. Олис шаҳарларда самолётдан тушмаслариданоқ бегона кучоқлар уларни бағрига олади! Спорт — тинчликнинг улуг кўприклари, қанотлари. Маҳаллалардаги тўймаъракаларга кўпчилик бирров келиб кетишади, деб ўйламанг. Мақсад — ош ейиш ва қорасини бир кўрсатиш эмас, балки одам таниш. Биз мустақил юрт эгаларимиз, остонамиз ҳам мустақил бўлмоғи керак! Гапирадиган гапларимизни кўпчиликнинг орасида бемалол гапирадиган бўлишимиз керак. Аччиқ гапларни фақат Мамад оқсоқол гапирди, деб оғзимизни пойлайдиганлар йўқ эмас. Дадилликни, шарқона одобни, ҳар ким ўз оиласида, ота-онасидан ўрганмоғи лозим. Дардларимиз кўп — мактабга йиллаб қадамини босмайдиган кимсалар борлигини биламан: Болангиз шу мактабда ўқиса, илм олса, келажакнинг одами бўлиб етишишни истаса одам нега болаларининг маърифатхонасидан хабар олмайди. Сизни ким одам қилган ва қўлингизга ким қалам тутқазган? Ёхуд ота-оналар мажлисига боришни ўзига эп билмайдими? Балким, ўшалар йиғилишга борганда мактаб репети билан боғлиқ юмушлар ҳам ўзидан ўзи бажарилиб қолармиди... Бунақа ярим-ерти, кўмак талаб ишларнинг эса мактабда, боғчаларда адоғи кўринмайди...

Мамад оқсоқол билан гаплашиб ҳузур қиласиз. У эл-юрт ташвиши билан яшайди доим.

Ў. АБДУРАҲИМОВ,
"Ишонч" мухбири.

"Катта-Қозиробод" маҳалламизда ажойиб бир тўй бўлди. Тантананинг сабабчилари маҳалланинг саксондан сакраб ўтган Карим ака Отабек ўғли билан уларнинг завжай муҳтарамалари Хумор ая Ҳақбердиевнинг олтин тўйи...

Карим ота 84 ёшга тўлиб, еруғ оламда минг ой яшаганлари, рафиқалари билан кўша қариганлари шарафига маҳалла аҳлига дастурхон ёзмоқчи бўлдилар. Бу ниятларини амалга ошириш энгил кўчмаслигини ўйлаб, маҳалла оқсоқоли Юсуфхўжа Баҳромовга айтдилар. "Келадиган одамим кўп — ховлим тор" дея гапларини якунладилар.

Бир маҳалладоши нг кўнглини ёзиб, ёрдамга маҳтал турсаю, оз эмас — кўп эмас, минг ойнинг юзини кўриб — шунчалар табарруқ ёшга етсалару маҳалла аҳли, қон-қариндош, қўни-қўшни қараб турармиди...

— Кўнглингизни тўқ қилинг, оға. Маҳаллада клубни нимага қурганмиз. Тўйингизни клубда ўтказамиз. Маҳалла аҳли сизнинг хизматингизда бўлади, — дейди Юсуфхўжа ака.

Шу-шу тўй ҳаракати бошланди. Тўйга қариндош-уруғ, қўни-қўшни, маҳалладошлардан ташқари Чилонзор тумани ҳокими Анвар Алиев, Республика "Маҳалла" жамғармаси раиси Шукур Темуровлар ҳам таклиф қилиндилар.

Дастурхон тўкин бўлди. ...

Маҳалланг — отанг, онанг, дегани шу бўлса керак-да?.. Аҳилликка не етсин. Кейин билсак, дастурхон маҳалла кўмитаси ҳисобидан ёзилгану қон-қариндошлар, қўни-қўшни, овсин-ажин дегандек, дўст-ёрлар қараб туришмаган.

Санъаткорлар ҳам маҳалладан чиққан. Халқимизнинг атоқли фарзанди, сеvimли санъаткоримиз Юнус Ражабийнинг маҳалламизда истиқомат қиладиган ўғиллари — таникли санъаткор Тохир Ражабий ва қўшнимиз Раҳимберди Тошмухамедовлар ўз қўшиқлари

билан тўйга файз киритдилар. Тўй тўенасиз бўлмайди, дейдилар. Кўша қариганларга атаганларини маҳалла оқсоқоли Юсуфхўжа Баҳромов топширди: Карим оғага беқасам тўн билан чуст дўппи кийдириб, белларига қарғашохи белбоғ боғладилар. Хумор аяга ҳам бош-оёқ сарпо топширгач, "мана бунисидан икковингизга кўрпа тикиб оласиз" деб кўрпалик, Чилонзор тумани ҳокими ҳокимлик номидан сарпа-суруғ ва юз минг сўм пул инъом этди.

Республикаимиз "Маҳалла" жамғармаси раиси

ШУНДАЙ ОДАМЛАР БОР БЎЛСИН

Маҳалламизда ўтказиладиган ҳамма маросимлар ана шунақа файзли бўлади. Чунки маҳалла аҳолиси жуда аҳил. Қандай иш бошланса, бир ота-онанинг фарзандидай маҳкам ёпишишади: ҳар ким нимага қодир бўлса, имконияти қадар бош кўшади.

Шундай тадбирлардан яна бири жомеъ масжиди қурилиши бўлди. Бу ишга айниқса ёшлар катта куч қўшди: улар тош, сеimon, гишт, тахта ташиган бўлишса, оталаримиз қурилишни моддий томондан қўллашди, рўзгордан ортирганларини рамазон кунлари мачит қурилишига эҳсон қилдилар. Уста Мўмин акага ўхшаган дурадгорлар, темирчиларнинг хиссаси катта бўлди. Хуллас, етти ёшдан етмиш эмас, балки саксон ёшгача бу ишга бош қўшди. Икки йил деганда мачит битди.

Ундан кейин ҳам озмунча тадбир ўтказилди. Астойдил йиғилсанг, сўқир кўздан ёш чиқар, деганларидек, ҳар гал ҳаммаси ўзига хос гаштли ва файзли ўтади.

Шулар ҳақида ўйларканман, бағри кенг, хотамтой, танги одамларимизга тасаннолар айтгим келади. Шундай одамлар доим бор бўлсин.

Холида АҲРОРОВА.

КўЗ олдингизга келтиринг: суюкли фарзандларингизни уйлантираёпсиз. Узоқ-яқиндан меҳмонлар ташриф буюришган. Мўъжазгина ҳовлингиз кенгайиб кетгандек. Келин-куёвнинг юздари бахтиёрликдан ял-ял енади. Хонанданинг хониши баланд пардага кўтарилганида тўсатдан чироқлар ўчади. Игна тушса топилгудек хонандонингиз зулмат қаърида. Шовқин-сурон кўтарилди. Ёки шифохонада оғир жарроҳлик ўтказилапти. Беморнинг ҳолати гоёт мураккаб. Марказдан мутахассис чақирилган. Шифокор жарроҳлик пичоғини ишга солганда ҳамма ёқ қоронғилик қўйнига чўкади. Оқибатни шарҳлашга ҳожат йўқ... Биз масаданинг маънавий жиҳатини тилга олдик, унинг моддий томони-чи? Юзлаб саноат корхоналари тўхтади. Халқ хўжалигига етказилган зарар миллиардлаб сўмлар билан ўлчанади. Минг шукурларким, юқоридаги лавҳа хаёлат меваси, холос. Аммо шунга яқин ҳодисалар бўлиб ўтганлигини эътибордан четда қолдира олмаймиз.

— Навоий вилоятининг "Навоийазот" ишлаб чиқариш бирлашмасига қувват етказувчи электр тармоғида айрим қўли эгри одамлар айби билан узлиш содир бўлди, бундан давлатимиз 18 миллион сўм моддий зарар кўрди, — дейди Наманган электр тармоқлари корхонасининг бош муҳандиси Баҳодиржон Мирзажонов. — Электр қуввати узатиш воситалари билан боғлиқ ўғирликлар вилоятимизда ҳам содир этилаётганлиги бизни безовта қилапти.

Баҳодиржоннинг ташвишланганича бор. Бугунги кунда юқори кучли қаватли ҳаво тармоқлари фаолияти алоҳида бир вилоят еки туман учунгина тегишли бўлиб қолмасдан бугун мамлакатимизни, шунингдек, айрим қўшни давлатларни ҳам бирлаштирган. Шу тармоқнинг қайси бир нуқтасига етказилган зарар халқ аτροφига уланган бутун минтақа бўйлаб ўз таъсирини кўрсатади, бошқача айтганда, миллионлаб кишилар тақдирида, халқ хўжалигида салбий из қолдиради. Аммо Поп туманида истиқомат қиладиган, ҳозир айни қирчилламе йигит ешида бўлган Мираазиз Тожбоев, Обиджон Орипов, Бахтиёр Усмоновлар бунга ўйлашмади, ўз ўғирликлари оқибати нималарга олиб келишигини хаёлларига келтиришмади.

— Вилоятимизга уланган халқ тармоғи ҳолатини ўрганиш жараёнида улкан ҳажмдаги темир таянчларнинг 3 метрдан 6 метргача узунликдаги тутқичлари олиб кетилганлиги аниқланди ва

шу ҳақда олинаётган ахборотлар тасдиқланди, — дейди юқори кучли қаватли ҳаво шаҳобчаларига хизмат кўрсатиш бўлимининг бошлиғи Собитжон Икромов. — Шу нарса маълумки, Пунгон массивида жойлашган "Орасителний" яримстанциясидан Наманган шаҳридаги яримстанциясига келадиган "Л-СО" номили узатгич ҳаво тармоғидаги 28 та темир таянчдан 162 дона, "Олмоссой" ҳаво тармоғидан 18 дона, "Пунгон-Москва" номидаги ҳаво тармоғидан 2 та темир таянчдан 14 дона тутқичлар ўғирланган.

— Қаранг, қанчалик виждонсизлик, — тутақайди бош муҳандис. — Нахотки, темир таянч тутқичларининг мурувватлари бўшатиб

чиқариб олинса, оқибати қандай кечилиши эсларига келмаса. Ахир, кучлироқ шамол эсса ағдарилиб тушиб, хавфли вазият юзага келиши мумкин-ку! Тоғлик ва адирликларда, қор билан қопланган шудгор ўрталарида жойлашган таянчларни қайтадан тиклагунча қанча вақт ўтади? Қолаверса, ҳозирда бу каби воситалар гоёт ноёб ҳисобланади. Россиядан катта қийинчиликлар билан олтин баҳосида келтириляпти-ку!

— Ўғри учун эл бошига тушадиган тоғдек гам-ташвишдан, давлат кўрадиган миллион сўмлаб зиёндан қўнтағига тушадиган бир сўм пул афзалроқ, — бош муҳандис сўзларини маъқуллади Собитжон Икромов. — Лекин халқимиз қингир иш қирқ йилдан сўнг ҳам аён бўлади, деб тўғри айтган. Муҳими, кўпчиликнинг кўзи кўп, қулоғи бор. Тожбоев, Орипов, Усмоновларнинг бежо қадам олишлари эътибордан четда қолмади. Уйлари кўздан кечирилганда бириникидан олтига, иккинчисиникидан 8 дона, учинчисиникидан тагин кўпроқ таянч тутқичлари яшириб қўйилган жойидан топилди. Нур қурилмаси воситалари ўғирларининг иши терговга ошариди.

Надоматларким, хонандонимизни ёритган, оқшомлари "ойнаи жаҳон" олдида мириқиб хордиқ чиқаришимизни таъминлаётган, турмуш кечиримиздаги қатор юмушларимизни удалаётган электр қуввати борлигига шукур қилиш ўрнига арзимас пул топшиш учун ўзларининг бу қатти-ҳаракатлари нахотки давлат миқёсидаги иқтисодий зарарқуналлик даражасига баробар эканлигини ўйлаб кўришмас!

Обиджон ЖУМАНАЗАРОВ,
"Ишонч" мухбири.

Адолат тарозиси

ЛОҚАЙДЛИКНИНГ ОҚИБАТИ

Жиноят қидирув бўлимининг катта оператив вакили милиция майори Ш. Қулбоев ва катта терговчи милиция капитани Н. Ниетуллаевларнинг изчил олиб борган ҳаракатлари натижасида жиноятлар очилди, сир фож этилди. Ўғирлар — Кегейли туманидаги кўчат етиштиришга ихтисослаштирилган давлат хўжалиги ишчилари Н. Бахит, Б. Қўйли, К. Аяп деган шахслар бўлиб чиқди. Ўғирланиб, Бўзатов туманидаги "Қорақалпоқ" жамоа хўжалигига сотилган бешта трактор ва иккита прицепа эгаларига қайтарилди. Жиноятчилар одил суд олдида жавоб беришди.

— Дастлабки трактор ўғирлаш воқеаси 1992 йил 23 февраль кунини содир этилган эди, — дейди Кегейли туман ички ишлар бўлими бошлигининг ўринбосари, милиция капитани Ж. Жанабоев. — "Халқабод" жамоа хўжалигининг Кўптепу Олламуродовга биркитилган трактори Халқабод дехқон бозори дарвозаси олдида кўз очиб юмгунча гойиб бўлди. Сал фурсат ўтгач, Кегейли дехқон бозорига келган М. Хидирниёзовнинг Матеке Жуманазаров номидаги жамоа хўжалигига тегишли трактори ҳам ўғирланиб, эгаси чапак чалиб қолаверди. Шу жамоа хўжалигидаги Сафарбой Телуовнинг уйи қошидан ўғирланган ҳамда К. Абибуллаев номидаги жамоа хўжалигидаги Бахтиёр Қўшжоновнинг уйи аτροφидан олиб кетилган тракторларни излаб топшиш кўп вақтга қадар натижа бермади. Чунки аксар хўжаликларда тракторлар мутлақо қаровсиз ҳолда қолдирилади, уларнинг техник ҳужжатларига етарли аҳамият берилмайди.

Кинини ажаблантирадиган нарса шуки, ҳар бирининг қиймати палон миллион сўм турадиган халқ мулкни сақлашда бепарволик, лоқайдлик кайфияти ҳукм сурган. Негадир арзимас пулга трактор сотиб олганлар бу тракторларнинг нопок йўллар билан келтирилганига энгирча ҳам шубҳа қилишмаган.

"Ишонч" мухбири.

НУР ҚУРИЛМАСИ
ЎҒИРЛАРИ

АПРЕЛЬ

11 ДУШАНБА

УзТВ I
17.50 "Бугун". Ахборот кўрсатуви.
20.00 Футбол бўйича "Тошкент турнири" Халқаро мусобақаларининг очилиши. 18.30 Муслиқий дақиқалар. 18.55 Эълонлар. 19.00 Футбол бўйича Халқаро турнир. Ўзбекистон — Туркманистон терма командалари. Танафус пайтида (19.45 — "Ўзбекистон" ахбороти (рус тилида). 20.00 Эълонлар. 20.45 Оқшом эртаклари. 20.55 Эълонлар. 21.00 "Ўзбекистон" ахбороти. 21.20 "Ватани севмоқ иймандандир..." 22.10 Гулбаҳор Эркулова куйлайди. 23.00 "Ўзбекистон" ахбороти. 23.20 "Чангак". Видеофильм.

УзТВ II
19.45 "Ўзбекистон" ахбороти (рус тилида). 20.00 "Сўх дарёси бўйлаб". Телефильм. 20.15 "Билиб кўйган яхши". 20.35 "У "Гиря"ни севарди". Фильм-концерт. 21.05 "Кўзиқоринлардан эҳтиёт бўлинг!" 21.35 "Ўтмишсиз келажак йўқ". 22.05 "Тергов практикасидан бир ҳодиса". Бадий фильм.

УзТВ III
ХАЛҚАРО ТЕЛЕКАНАЛ
18.00 — 19.55
ТУРКИЯ ТЕЛЕВИДИЕНИЕСИ
РОССИЯ ТЕЛЕВИДИЕНИЕСИ
19.55 Душанба кўни детектив. "Олий чегара". Бадий фильм. 21.40 Криминал хабарлар экрани.

21.50 — 23.00
ТУРКИЯ ТЕЛЕВИДИЕНИЕСИ
ЎЗБЕКИСТОН ТЕЛЕВИДИЕНИЕСИ
23.00 "Кохановкалик артист". Бадий фильм.

"ОСТАНКИНО" ТЕЛЕКАНАЛИ
5.30 "Тонг". 17.50 "Гол". 18.20 "Горчачев ва бошқалар". Бадий телесериал премьераси. 22-серия. 18.55 "Биз". В. Познернинг муаллифлик кўрсатуви. 19.40 Хайрли тун, кичкинтойлар! 20.00 Янгилликлар. 20.30 "Спорт уик-энди". 20.45 "Пешонангдагини кўрасан". Ю. Селомин. 21.40 Хоккей. ХХЛ кубоги. Ярим финал. 23.40 Янгилликлар.

12 СЕШАНБА

УзТВ I
7.00 — 9.00 "Ассалом, Ўзбекистон!" Тонги дам олиш кўрсатуви. 9.00 "Киноот гражданилари". Бадий фильм. 10.05 Оснб ўйинлари олдидан. Бокс бўйича Ўзбекистон терма командаси. 10.30 Ўқув кўрсатуви. Ўзбекистон халқлари тарихи. 11.00 Космонавтика кўнига бағишланган хужжатли фильмлар. 11.50 "Маърифат маскани". 12.00 "Кўзиқоринлар менинг дўстларим". 12.40 Ўзбек тилини ўрганамиз. 17.00 Футбол бўйича Халқаро турнир. Тожикистон — Қозогистон терма командалари. 2-тайм. 17.45 "Наққош". Телефильм. 18.00 "Бугун". Ахборот кўрсатуви. 18.10 "Садо". 18.40 "Фаровонлик калити". 19.10 Теннис. Президент кубоги учун Халқаро турнир олдидан. 19.25 Эълонлар. 19.30 "Ўзбекистон" ахбороти (рус тилида). 19.45 Эълонлар. 19.50 Дутор ва танбур тароналари. 20.10 Оқшом эртаклари. 20.25 "Ешлар ижоди". 20.55 Эълонлар. 21.00 "Ўзбекистон" ахбороти. 21.20 "Шаҳар безарвоза эмас...". 22.05 "Омад ҳамisha келавермайди". Бадий фильм. 23.20 "Ўзбекистон" ахбороти.

УзТВ II
19.30 "Ўзбекистон" ахбороти (рус тилида). 19.45 "Табнат — ҳаёт чашмаси". 20.30 "Иқтисодий тараққиёт йўлида". 20.55 "Муслиқали меҳмонхона". "ОМАД" таништирадидан. 21.45 Эълонлар. "Киноингоҳ".

УзТВ III
ХАЛҚАРО ТЕЛЕКАНАЛ
"ОМАД" таништирадидан:
9.00 "Совга". 9.30 Эълонлар. 9.40 "Видео-О". 11.20 Эълонлар. 11.25 "Курьер". 11.40 "Ҳар соҳадан бир шингил". 11.50 Эълонлар. 11.55 "Эм-Ти-Ви"дан муслиқалар. 12.40 "Даракчи". 12.50 "Юлдузлар жилоси". 13.10 Эълонлар. 13.20 "Видео-О".

18.00 — 19.55
ТУРКИЯ ТЕЛЕВИДИЕНИЕСИ
РОССИЯ ТЕЛЕВИДИЕНИЕСИ
19.55 "Санта-Барбара". 303-серия. 20.45 Спорт кўрсатуви. 20.55 "Жуда оддий".

21.50 — 22.30
ТУРКИЯ ТЕЛЕВИДИЕНИЕСИ
ЎЗБЕКИСТОН ТЕЛЕВИДИЕНИЕСИ
22.30 "Махсус эътибордаги зонада". Бадий фильм.

13 ЧОРШАНБА

УзТВ I
7.00 — 9.15 "Ассалом, Ўзбекистон!" Тонги дам олиш кўрсатуви. 9.15 "Усмирлар кинотда". Бадий фильм. 10.30 Ўқув кўрсатуви. Физика. 11.00 "Уорлднет" телекомпаниясининг янгилликлари (АҚШ). 11.15 Инглиз тили. 11.45 "Шижоат". Сурхондарё вилояти ешлари ҳаётидан. 12.10 "Алифбо сабоқлари". 18.00 "Бугун". Ахборот кўрсатуви. 18.10 "Ижод фидойиси". 18.50 "Мўл ҳосил учун". 19.25 Эълонлар. 19.30 "Ўзбекистон" ахбороти (рус тилида). 19.45 Эълонлар. 19.50 "Осойишталик посбонлари". Республика Ички ишлар вазирлиги матбуот маркази хабар қилади... 20.10 Оқшом эртаклари. 20.25 "Наманган сеҳргарлари". Телефильм. 20.45 "Санъат кошонаси". "Ўзбектелефильм" премьераси. 20.55 Эълонлар. 21.00 "Ўзбекистон" ахбороти. 21.20 "Кафолат". 21.50 Замоновий ўзбек кўшиқларининг "Анор" телевизион танлови. 22.50 Футбол бўйича Халқаро турнир. Ўзбекистон — Қозогистон терма командалари. 2-тайм. 23.35 "Ўзбекистон" ахбороти.

УзТВ II
19.30 "Ўзбекистон" ахбороти (рус тилида). 19.45 "Ишо". Болалар учун фильм. 20.15 "Спринг". 20.40 "Севиқли аёл портрети". Телефильм. 21.20 "Олтин мина". Бадий фильм. 1-2-сериялар.

УзТВ III
ХАЛҚАРО ТЕЛЕКАНАЛ
18.00 — 19.50
ТУРКИЯ ТЕЛЕВИДИЕНИЕСИ
РОССИЯ ТЕЛЕВИДИЕНИЕСИ
19.50 "Ҳеч ким унутилмайди". 19.55 "Санта-Барбара". 304-серия. 20.50 "Сарҳадлар". 21.05 "Кутиш зали".

22.00 — 22.50
ТУРКИЯ ТЕЛЕВИДИЕНИЕСИ
ЎЗБЕКИСТОН ТЕЛЕВИДИЕНИЕСИ
22.50 "Браслет-2". Бадий фильм. "ОСТАНКИНО" ТЕЛЕКАНАЛИ
5.30 "Тонг". 17.50 "Петербург сирлари". Кўп серияли телевизион бадий фильм премьераси. 2-серия. 18.50 "Никита Хрущевнинг рус рулеткаси". Телевизион хужжатли фильм премьераси. 1-серия. 19.40 Хайрли тун, кичкинтойлар! 20.00 Янгилликлар. 20.30 "Санъат қасри". 21.10 "Ким Трускавецга боради?". Телевизион бадий фильм. 22.30 "МТВ". 23.00 Янгилликлар.

14 ПАЙШАНБА

УзТВ I
7.00 — 9.00 "Ассалом, Ўзбекистон!" Тонги дам олиш кўрсатуви. 9.00 "Оролчадаги саргузаштлар". Бадий фильм. 10.05 Болалар учун. "Яхшиларга эргашиб". 10.25 Лотин алифбоси. 10.55 "Уорлднет" телекомпаниясининг янгилликлари (АҚШ). 11.10 "Ижтимоий ҳимоя мезони". 18.00 "Бугун". Ахборот кўрсатуви. 18.10 "Тазлим ва ислоҳот". 18.40 "Айём нафаси". "Ўзбектелефильм" премьераси. 18.50 "Техмакорлик — нақд бойлик". 19.25 Эълонлар. 19.30 "Ўзбекистон" ахбороти (рус тилида). 19.45 Эълонлар. 19.50 "Кашф этилаётган инжониятлар". 20.10 Оқшом эртаклари. 20.25 Юнус Ражабий номидаги мақомчиллар ансамблининг концерти. 20.55 Эълонлар. 21.00 "Ўзбекистон" ахбороти. 21.20 "Муборак Ҳаж тараддуди". 21.40 "Муслиқий чойхона". 22.40 "Пушаймон". Бадий фильм. 23.55 "Ўзбекистон" ахбороти.

УзТВ II
19.30 "Ўзбекистон" ахбороти (рус тилида). 19.45 "Тўмарис". Фильм-балет. 20.55 "Зиё маскани". "ОМАД" таништирадидан:

Тошкент шаҳар Миробод тумани Давлат сугурта идорасининг 25-шаклдаги ЛР серияли 489894 дан 489900 гача, ИН серияли 642214 ва 201-шаклдаги Н серияли 965356 дан 965375 гача бўлган қитанциялари йўқолиши учун бекор қилинади.

"Ишонч" газетаси жамоаси бош муҳаррири Уриилбосари Акмал Ақромовга уқаси Акбар АҚРОМОВ вафоти туфайли унга ҳамдардик ва марҳумнинг оила аъзоларига чуқур таъзия изҳор қилади.

21.35 "Танишайлик: "Вольфсон Шарқ Интерпрайзис" кўшма корхонаси. 21.55 "Киноингоҳ".
УзТВ III
ХАЛҚАРО ТЕЛЕКАНАЛ
18.00 — 19.55
ТУРКИЯ ТЕЛЕВИДИЕНИЕСИ
РОССИЯ ТЕЛЕВИДИЕНИЕСИ
19.55 "Санта-Барбара". 305-серия. 20.45 "Маърифат мевалари".

21.30 — 22.30
ТУРКИЯ ТЕЛЕВИДИЕНИЕСИ
ЎЗБЕКИСТОН ТЕЛЕВИДИЕНИЕСИ
22.30 "Кўприклар ажралганда". Бадий фильм.

"ОСТАНКИНО" ТЕЛЕКАНАЛИ
5.30 "Тонг". 17.50 "Петербург сирлари". Кўп серияли телевизион бадий фильм премьераси. 3-серия. 18.50 "Никита Хрущевнинг рус рулеткаси". Телевизион хужжатли фильм премьераси. 2-серия. 19.40 Хайрли тун, кичкинтойлар! 20.00 Янгилликлар. 20.30 Француз режиссёри П. Бунозль фильмлари таништирилади. 20.45 "Кундузи соҳибжамол". Бадий фильм (Франция — Италия). 22.35 "Матбуот-экспресс". 22.45 "Академия". 23.10 Янгилликлар. 23.45 Футбол. Чемпионлар лигаси.

15 ЖУМА

УзТВ I
7.00 — 9.00 "Ассалом, Ўзбекистон!" Тонги дам олиш кўрсатуви. 9.00 "Огинский полонези". Бадий фильм. 10.30 Ўқув кўрсатуви. Зоология. 11.00 "Куй ва соз соҳиб". Телефильм. 11.15 "Уорлднет" телекомпаниясининг янгилликлари (АҚШ). 11.30 Ўқув кўрсатуви. Математика. 18.00 "Бугун". Ахборот кўрсатуви. 18.10 "Меҳр". Тошкент вилояти хотин-қизлар кўмитаси фаолиятдан. 18.35 "Инсон ва қонун" почтасидан. 19.05 "Рақслар гуддасидан". 19.25 Эълонлар. 19.30 "Ўзбекистон" ахбороти (рус тилида). 19.45 Эълонлар. 19.50 Халқаро шарҳловчилар давраси. 20.10 Оқшом эртаклари. 20.25 "Навоийхонлик". 20.55 Эълонлар. 21.00 "Ўзбекистон" ахбороти. 21.20 Бевосита мулоқот. 22.20 Марьям Сатторов ва куйлайди. 23.05 "Ўзбекистон" ахбороти. 23.25 Футбол бўйича Халқаро турнир. Қозогистон — Туркманистон терма командалари. 2-тайм (ёзиб олинган).

УзТВ II
19.30 "Ўзбекистон" ахбороти (рус тилида). 19.45 "Бумеранг". 20.35 "Кўнғир айиқ ҳақида". Телефильм. 21.00 "Ўзбекистон" ахбороти. 21.20 "Орадан қанча йиллар ўтиб кетди". Бадий фильм.

УзТВ III
ХАЛҚАРО ТЕЛЕКАНАЛ
18.00 — 19.50
ТУРКИЯ ТЕЛЕВИДИЕНИЕСИ
РОССИЯ ТЕЛЕВИДИЕНИЕСИ
19.50 "Миллионлар учун ўйин". Бадий фильм.

21.30 — 22.30
ТУРКИЯ ТЕЛЕВИДИЕНИЕСИ
ЎЗБЕКИСТОН ТЕЛЕВИДИЕНИЕСИ
22.30 "Кобра" операцияси. Бадий фильм.

"ОСТАНКИНО" ТЕЛЕКАНАЛИ
5.30 "Тонг". 17.40 "Инсон ва қонун". 18.15 "Америка М. Таратута билан". 18.45 "Мўъжизалар майдони". 19.40 Хайрли тун, кичкинтойлар! 20.00 Янгилликлар. 20.30 "Детективлар клуби"да. "Ждановская кўчасидаги қотиллик". Бадий фильм. 22.00 "Ҳафтанинг машур кишиси". 22.20 "Оба-на". 23.00 Янгилликлар. 23.35 "Матбуот-экспресс". 23.45 "Музобоз".

16 ШАНБА

УзТВ I
7.00 — 9.15 "Ассалом, Ўзбекистон!" Тонги дам олиш кўрсатуви. 9.15 "Кекса санъаткорлар". 9.55 "Бир фильм тавсифи". "Тангаллик болалар" фильми ижодкорлари билан учрашув. 11.45 "Ўзбекистон спорти". 12.05 "Иқтисодимиз таянчлари". 12.40 "Ешлик" студияси. "Даврага кел, дугонажон!" 13.45 "Театр: Шарқ — Фарб". "Ўзбектелефильм" премьераси.

14.15 "Илҳом чашмалари". 18.00 Болалар учун. "Эртаклар — яхшиликка етаклар". 18.40 Мультфильм. 18.50 "Ҳазалхон ёшлигим". 19.25 Эълонлар. 19.30 "Ўзбекистон" ахбороти (рус тилида). 19.45 Эълонлар. 19.50 "Биз очик жамоа". Телефильм. 20.10 Оқшом эртаклари. 20.25 "Санъатимиз фидойилари". 20.55 Эълонлар. 21.00 "Ўзбекистон" ахбороти. 21.20 "Лазги" ашула ва рақс ансамблининг муслиқий томошаси. 22.00 "Театр учрашувлари". 23.10 "Тунги ёғду".

УзТВ II
19.30 "Ўзбекистон" ахбороти (рус тилида). 19.45 Болалар учун. "Табасум". 20.25 "Кафдаги кўш". Телефильм. 21.00 "Ўзбекистон" ахбороти. 21.20 "Соқолово". Бадий фильм. 1-2-сериялар.

УзТВ III
ХАЛҚАРО ТЕЛЕКАНАЛ

"ЎЗБЕКИСТОН" ТЕЛЕКАНАЛИ
12.10 "Мамлакатлар, воқеалар, одамлар". 12.20 "Дунё эшиги". 13.00 "Сийсий портретига чизгилар". Ли Пэн. 13.20 "Си-Эн-Эн" янгилликлари (инглиз тилида). 13.35 "Дидар" (қозоқ тилида). 14.20 "Яхши ниятлар билан". Исроилинг миллий байрамига. 14.55 "Би-Си-Си" янгилликлари (инглиз тилида). 15.10 "Муслиқий палитра". 15.45 "Бу ажиб дунё".

18.00 — 19.20
ТУРКИЯ ТЕЛЕВИДИЕНИЕСИ

РОССИЯ ТЕЛЕВИДИЕНИЕСИ
19.20 Киномарафон. "Квартал ҳисоботи". Бадий фильм. 21.15 "А" программаси.

22.15 — 23.00
ТУРКИЯ ТЕЛЕВИДИЕНИЕСИ

ЎЗБЕКИСТОН ТЕЛЕВИДИЕНИЕСИ
23.00 "Омадсизлар". Қисқа метражли бадий фильм.

"ОСТАНКИНО" ТЕЛЕКАНАЛИ
18.05 Руки премьераси. Кўрсатуви В. Молчанов олиб боради. 18.50 "Коламбия пикчерс" таништирадидан: "Қойилмақом жуфтлик". 10-серия. 19.40 Хайрли тун, кичкинтойлар! 20.00 Янгилликлар. 20.30 "Коламбия пикчерс" таништирадидан: "Эҳтирос гули". Кўп серияли телевизион бадий фильм премьераси. 1-серия. 21.30 Э. Колпановскийнинг муаллифлик кечаси. 22.35 "Матбуот-экспресс". 22.45 Катталар учун мультфильмлар. 23.00 Янгилликлар. 23.35 "Астролябия".

17 ЯКШАНБА

УзТВ I
7.00 — 9.00 "Ассалом, Ўзбекистон!" Тонги дам олиш кўрсатуви. 9.00 "Куйла, дуторим". Телефильм. 9.25 "Хуқуқ сабоқлари". 10.00 "Ешлик" студияси. "Ватанимга

хизмат қиламан". 10.30 "Маҳобҳорат". (Ҳиндистон). 62-63-сериялар. 12.00 Цирк! Цирк! Цирк! 12.50 "Қишлоқ ҳаёти". 13.50 Ҳаваскор талаба ешлар ижоди кўрик-танловининг якуний концерти. 14.30 "Хайрли касб эгалари". 15.10 "Учрашув". Адабий кўрсатув. 18.00 Мультфильм. 18.20 Усмирлар учун. "Умид учқунлари". 18.55 "Кўклар туйгулари". 19.25 Эълонлар. 19.30 "Ҳафтанома" (рус тилида). 20.00 Эълонлар. 20.05 "Барҳаёт наволар". 20.55 Эълонлар. 21.00 "Ҳафтанома". 21.30 Ойна жаҳонда. 21.50 "Одам бўлмайд". Бадий фильм. 23.20 Янгилликлар. 23.25 Футбол бўйича Халқаро турнир. Ўзбекистон — Тожикистон терма командалари. 2-тайм.

УзТВ II
"ОМАД" таништирадидан:

17.00 "Мультфейерверк". 17.30 "Курьер". 17.45 "Тип-топ". 17.55 "Ҳар соҳадан бир шингил". 18.05 "Совга". 18.35 "Даракчи". 18.45 "4/8". Муслиқий кўрсатув. 19.05 Эълонлар. 19.10 "Видео-О". 20.50 Эълонлар. 20.55 "Курьер". 21.10 "Эм-Ти-Ви"дан муслиқалар. 21.30 Эълонлар. 21.35 "Видео-О".

УзТВ III
ХАЛҚАРО ТЕЛЕКАНАЛ

"ЎЗБЕКИСТОН" ТЕЛЕКАНАЛИ
12.25 "Мамлакатлар, воқеалар, одамлар". 12.35 "Ўзбекистон: ҳамкорлик йўллари". 13.15 "Би-Си-Си" янгилликлари (инглиз тилида). 13.30 "Дунё ва биз". 14.00 "Дилга яқин кўшиқлар". "Дурдашен" телекомпаниясининг муслиқий кўрсатуви (Ҳиндистон). 14.30 "Си-Эн-Эн" янгилликлари (инглиз тилида). 14.45 "Муслиқа маданияти ҳазинасидан". 15.45 "Бу ажиб дунё".

18.00 — 19.20
ТУРКИЯ ТЕЛЕВИДИЕНИЕСИ

РОССИЯ ТЕЛЕВИДИЕНИЕСИ
19.20 Театр сафари. "Икки юз йилдан сўнг". 20.10 "Эй-Би-Си" билан яқинба оқшоми. "Фламинго"лик йигит".

21.55 — 22.30
ТУРКИЯ ТЕЛЕВИДИЕНИЕСИ

ЎЗБЕКИСТОН ТЕЛЕВИДИЕНИЕСИ
22.30 "Аршин мол-олан". Бадий фильм. "ОСТАНКИНО" ТЕЛЕКАНАЛИ
17.50 "Бир севги тарихи". Телефильм. 18.10 Эдди Рознернинг олтин карнайи. 19.00 "КВН-94". 1/8 финал. 21.00 "Яқинба". Ахборот-публицистик кўрсатуви. 21.50 "Большой театр. Кундуз кунлари ва оқшомлари". 22.45 "Авто-шоу". 23.00 Янгилликлар. 23.15 "Катта сайр".

("Тошкентдан гапирамиз ва кўрсатамиз" дастуридан).

ISC ИНВЕСТИЦИЯ КОМПАНИЯСИ
ЎЗБЕКИСТОНДА БИРИНЧИ МАРТА ОМОНАТЛАРИНГИЗНИ
УЧ ЙИЛДА 15-30 БАРАВАР ОШИРИШ УЧУН
ИМКОНИАТЛАР ЯРАТИБ БЕРАДИ
ISC — биринчи талаб бўйича 24 соат ичида омонатларингизни ҳисоблаб, қайтариб бериш кафолатидир
БИЗ БИЛАН КЕЛАЖАККА ҚАДАМ ТАШЛАНГИЗ
Сизни қуйидаги манзилгоҳ бўйича агентликларда қутамиз:
Матбуотчилар (собиқ Ленинградская) кўч., 32
«Шарқ» кафеси ёнида
Анҳор бўйи 8, Урда бекати, шаҳар ОВИРИ ёнида
115-алоқа бўлими, Чилонзор савдо маркази ёнида
Тошкент Бошпочтамти;
тел.: 32-56-92; 41-20-24
Омонатни қуйиш энг оз миқдори — 5000 сўм.
Шартнома тузиш учун ёнингизда паспорт бўлиши шарт.

Сўнмас у кунлар шухрати

ЭЛ НАЗАРИГА ТУШГАН ИНСОН

Инсон умрининг яшаган йиллари салмоғи билан эмас, қилган яхши ишлари билан ўлчаниши ҳаммага аён. Ана шу ақидага амал қилганинг умри боқийдир.

Зоминда Мусо Мақсудовни кўпчилик билади. Ундан фақат илиқ фикрлар эшитасиз. Хунарманд сартарош оиласида дунёга келган бу заҳматкаш инсон ота изидан бориб қосибчилик қилди. Кейин деҳқончилик билан шуғулланди. Эски мактабда ўқиб, савод чиқарди. 1934 йилдан 1939 йилгача эса Қирсадоқ ва Хулкар қишлоқларида ўқитувчилик қилди.

Ўзининг тиришқоқлиги, меҳнатсеварлиги билан эл назарига тушди. Уни Зомин қишлоқ кенгашига котиб қилиб сайладилар. Мусонинг ширинсўз, очиқ кўнгли ҳаммани ҳушнуд этади. Бироқ ёвуз уруш тинч турмушимизга чанг солди. Мусо ҳам ҳамма қатори 1942 йили фронтга йўл олиб, 1943 йилнинг 28 декабрида ҳалок бўлди. Қуролдош дўстлари Полецк вилояти Александровка қишлоғидаги биродарлик қабристонига дафн қилдилар. Мусо бобо ҳақида тенгдошлари шундай хотирлашади:

Тоғай Қурбон — меҳнат фахрийси: Мусо билан бирга деҳқончилик қилиб, бирга қўш ҳайдаганмиз. У жуда меҳнаткаш, қобил йигит эди. Зомин қишлоқ кенгашига раис бўлганимда у котиблик қилди. Қанчалик иши кўп бўлмасин, бўш вақтларида дўстлари билан борди-келдини узмасди. Ҳеч кимдан яхши маслаҳатини аямасди.

Қодирқул Примқулов — меҳнат фахрийси: Мусо Мақсудов биринчи устозим. 1934-38 йилларда Қирсадоқ қишлоғида ўқиганман. У лотин алифбосидан дарс берар, болаларга меҳрибон эди. Кечки пайтлар ҳам болаларнинг уйда дарс тайёрлаши билан қизиқиб қишлоқ айланишдан чарчамасди. Бундай инсонлар номини абадийлаштириш аини муддаодир.

Мусо ҳаётдан қўз юмганда катта фарзанди Яхё 8 ёшда, энг кичиги Ҳадичахон 6 ойлик чақалоқ эди. Улар бутунги кунда ҳаётдан ўз ўринларини топишган. Яхё ака ўқитувчи, Ҳаким ака савдо ходими, Робия ва Ҳадичахон бола-чақали. Фарзандлар ҳаммаша оталар ишининг давомчиси. Демак, ота изи йўқолмади.

Абдусаттор СОДИҚОВ,



Варрагим зўр чиққан, учирсам кўрасиз.

Даврон АҲМАД сурат-лавҳаси.

Спорт

ЁШ ПОЛВОНЛАР БЕЛЛАШУВИ

Нарпай туманидаги 43-ўрта дилар.

мактаб бир неча йилдан буён спортнинг қатор турларидан голибликни эгаллаб келаётир. Спортнинг беш тури бўйича секциялар ишлаб турибди.

Яқинда мактабда миллий кураш бўйича ёш полвонлар беллашуви ўтказилди. Туман мактабларининг ўқувчилари ўн олти вазн бўйича курашга туш-

Спорт усталари Тўлқин Мусаев ва Эркин Норкуловлар ҳакамлик қилган гилам устидаги беллашувда биринчи ўринни 43-мактаб, иккинчи ўринни 25-мактаб, учинчи ўринни 32-мактаб ёш полвонлари қўлга киритдилар.

Ризо ХУДОЙҚУЛОВ,
“Ишонч” мухбири.

“ДИНАМО” КОМАНДАСИ — БИРИНЧИ ЛИГАДА

Бир вақтлар Хоразм вилоятида кўзга кўринган 4-5 футбол командаси бўлиб, собиқ СССР чемпионати мусобақаларида ҳам, республика мусобақаларида ҳам қатнашардилар. Кейинчалик уларнинг номлари ҳам чиқмай қолган эди. Фақат республика Вазирлар Маҳкамасининг футболни ривожлантириш тўғрисидаги қароридан кейингина вилоят ҳокимлиги футболни ривожлантиришга маблағ ажратди.

Мамлакат футбол чемпионатининг биринчи лигаси мусобақалари ҳам бошланиб кетди. Унда Ургенч шаҳрининг “Динамо” командаси иштирок этипти. Команда асосан маҳаллий ёшлардан иборат.

— Бу йилги мақсадимиз Хоразм футбол шухратини тиклаш ва мустаҳкамлашдан иборатдир, — дейди вилоят жисмоний тарбия ва спорт кўмитаси раиси Дурдибой Ражабов. — Бунинг учун имкониятлар етарли.

Шихназар АҲМЕДОВ,
“Ишонч” мухбири.

* талаб қилиб олинган омонатлар бўйича — 20%

* муддатли омонатлар бўйича:

— 1 йилдан 3 йилгача — 40%

— 3 йилдан 5 йилгача — 60%


— 5 йилдан юқорисига — 90%

* мақсадли болалар омонатлари бўйича — 100%

* депозит омонатлар бўйича — 80%

ЖАМҒАРМА БАНКИ ЭНГ ИШОНЧЛИ БАНК БЎЛГАН ВА ШУНДАЙ БЎЛИБ ҚОЛАДИ

ЎЗБЕКИСТОН ЖАМҒАРМА БАНКИ



ЎЗБЕКИСТОН РЕСПУБЛИКАСИ ЖАМҒАРМА БАНКИ БОШҚАРУВИНИНГ БУЙРУҒИГА АСОСАН 1994 ЙИЛ 1 АПРЕЛДАН БОШЛАБ АҲОЛИНИНГ ЖАМҒАРМА БАНКИ МУАССАСАЛАРИДА САҚЛАНАЁТГАН ОМОНАТЛАРИ БЎЙИЧА ФОИЗ СТАВКАЛАРИ ҚУЙИДАГИЧА БЕЛГИЛАНДИ:

• Газетага 1994 йил 14 январда Ўзбекистон Матбуот Давлат кўмитаси томонидан 5 рақамли гувоҳнома берилган.

• IBM компьютерида терилди ва саҳифаланди. Офсет усулида босилди. Формати А-3, ҳажми 2 босма табок.

• «Шарқ» нашриёт-матбаа концерни. Корхона манзили. «Буюк Турон» кўчаси, 41-уй.

• Буюртма Г-915. 1 2 3 4 5 6

МУАССИС:
ЎЗБЕКИСТОН
КАСАБА УЮШМАЛАРИ
ФЕДЕРАЦИЯСИ
КЕНГАШИ

БОШ МУҲАРРИР
ТЎЛҚИН ҚОЗОҚБОВ

ТАҲРИР ҲАЙЪАТИ:

Рустам АБДУРАЗЗОҚОВ,
Акмал АКРОМОВ
(бош муҳаррир муовини),
Абдуманноп АЛИМБОВ,
Дилбар ЖАҲОНГИРОВА,
Тургунбой МАДИЁРОВ,
Тургун НАЗАРОВ (масъул котиб),
Маҳаммаджон ОТАҚУЛОВ,
Муҳайё ТЎЛАГАНОВА,
Раъно УБАЙДУЛЛАЕВА,
Баҳодир УМУРЗОҚОВ.



• Бош муҳаррир қабулхонаси —

56-25-36

• Бош муҳаррир муовини — 56-52-89

• Масъул котиб 56-52-78

БЎЛИМЛАР

• Касаба уюшмалари ва мухбирлар билан ишлаш — 56-82-79

• Социал адолат, иқтисодий ҳаёт, маданият, маънавият ва хатлар — 56-87-78, 56-87-63

• Ишлаб чиқариш ва хўжалик — 56-85-43

ВИЛОЯТЛАРДАГИ
МУХБИРЛАРИМИЗНИНГ
ТЕЛЕФОНЛАРИ:

Андижонда — 5-32-24

Бухорода — 3-50-10

Гулистонда — 2-24-98

Жиззахда — 2-31-41

Навоийда — 3-52-99

Наманганда — 6-22-10

Нухусда — 2-44-46

Самарқандда — 35-64-22

Термизда — 2-70-07

Тошкентда — 56-82-79

Фарғонада — 4-28-29

Урганчда — 6-03-40

Қаршида — 5-33-71

• Мухарририятга келган кўлэмалар (2 ораликда 5 бетдан ошмаслиги лозим) ва суратлар муаллифларга қайтарилмайди, фойдаланилмаган хатларга жавоб юборилмайди. Тахририят воситачилик қилмайди. Мақола-лардаги ҳамда реклама ва эълонлардаги фикр-мулоҳазалар, келтирилган факт ва рақамлар масъулияти муаллифлар ҳамда реклама ва эълон берувчилар зиммасидадир.

• Газета 1991 йил 21 мартдан чиқа бошлаган.



• СОТУВДА эркин нархда.

• Шанба кунлари чиқади.

• Босишга топшириш вақти — 19.00. Топширилди — 19.00

• Навбатчи масъуллар:

Тургун НАЗАРОВ,

Санъат МАҲМУДОВА.

• МАНЗИЛИМИЗ:

700165, Тошкент шаҳри,
«Правда Востока» кўчаси, 24-уй.

• 79524 нусхада босилди.

• Нашр кўрсаткичи: 64560;
64561.